



范石湖詩集卷之十一

婺源黃昌衢康謠叅訂

宣城袁啓旭士旦校閱

麻線堆

峽中驛前大山峒起舊路攀而上繁

新路有不復登山感紆如線十五年作麻線堆余觀峽路皆未經修感德寶之事詩一首以風夔

路使者及歸峽二州長吏沈葉管熊四君

雲木盪胸起鬱峩一峰危上有路千折纏縷如縈  
絲是為麻線堆厥險天下稀偏仄容半足顛墜寧  
復稽騰猿尚愁苦遊子將安之浮圖德寶者悲智  
緒等慈隨山刊古木尋壑得長磯輿梁捷飛度布  
石綿階梯自從新路改重趼無齋谷縣有孫少府

猿一作猿



插當作鋪

琬琰劖文詞勿云此事小惟有行人知况觀峽山  
路由來欠平治官吏既弗跡誰肯深長思天險固  
自若當令略成蹊土工運畚插石工操鑿椎烈火  
敗礮确築沙填隙噉多用百夫力遠無五旬期但  
冀米鹽給不煩金幣支非客敢竊議道傍詢旄倪  
身雖雪山戍亦願助毫釐工費嗟小哉政須賢有  
司東有管夷陵西有葉秭歸上維沈隱侯夔臺今  
吏師下維熊絳孫長材佐州麾豈吾金閨彥不如  
林下緇懸知議克合了此一段奇舟楫避潢潦置  
郵疾飛馳憺憺吳蜀客來往當無時仍磨鑽天石  
大書四賢詩不佞願秉筆遠繼峽口碑

絳當作絳

繼一作寄

戲書麻線堆下

一身半世走奔波疑是三生宿債多折券已饒麻  
線嶺責償難免竹竿坡

胡孫愁

傾崖當胸石齧足失勢毛毳槁幽谷王孫卻走斷  
不到惟有哀猿如鬼哭僕夫酸嘶訴道窮我亦付  
命無何中悲風忽來木葉戰落日虎嘯枯竹叢

判命坡

鑽天嶺上已飛魂判命坡前更駭聞側足三分垂

道一作塗



禍當作福

壞磴舉頭一握到孤雲微生敢列千金子後禍猶  
幾萬石君早晚北窗尋噩夢故應含笑老榆枌

○千石嶺

晨光挂高嶺晴色媚遠客哀湍吼叢薄宿霧裊絕  
壁露重薊花紫風來蓬背白迷山朴渥跳飲澗於  
菟迹層巔多折木迳磴有飛石不知山幾重杳杳  
入叢碧

九盤坡布水

莫惜縈迴上九盤洗心雙瀑雪花寒野翁酌水煎  
茶獻自古人來到此難

· 荒口

十步九喫蹶百夫半蹶跚豁然鳥道窮努力造其  
巔謂是嶺頭了一峰復當前既無反顧法仰望心  
茫然

四十八盤

詰曲不前如宦拙欹傾當面似交難若將世路比  
山路世路更多千萬盤

紫荷車

峽山此藥甚多

綠莢吐弱線翠葉抱修莖蠹如青旄節草中立亭  
亭根有卻老藥鱗皺友松苓長生不暇學聊冀病



身輕

錦帶花 東南甚珍此花峽中漫生山谷

妍紅棠棣妝弱綠薔薇枝小風一再來飄飄隨舞  
衣吳下嫵妨檻峽中滿荒陂佳人墮空谷皎皎白  
駒詩

妨當作芳

入秭歸界

山根繫馬得漿家。深入窮鄉事可嗟。蚯蚓崇人能  
作瘴。茱萸隨俗強煎茶。幽禽不見但聞語。野草無  
名都著花。窈窕崎嶇殊未艾。去程方始問三巴。

早發周平驛過清烈祠下 祠前有獨醒亭扁

物色近人境。喜歡嚴曉裝。山月雞犬聲。野風麻麥  
香。登嶺既開豁。入林更清涼。三呼獨醒士。儻肯醕  
我觴。

白狗峽

陸路亦自峽上過  
西岸有五虛洞

江紋圓復破。樹色昏還明。連灘竹節稠。洶怒奔夸  
陵。石磯鐵色頑。相望如姦朋。踞岸意不佳。當流勢  
尤獍。山回水若盡。但見青嶼嶢。慘慘疑鬼寰。幽幽  
無人聲。顛沛安危機。艱難古今情。俯窺得目眩。卻  
立恐神驚。白雲冒岩扉。下維玉虛庭。神仙坐閱世。  
應笑行人行。



秭歸縣

周封楚子熊繹於此縣字宋玉宅東山清烈祠屈原宅也

永日貪程客長年吊古詩悲秋荒故宅負石慘空  
祠峻壁鴉翻倦高畚麥秀遲窮山熊繹國偏仄建  
邦時

歸州竹枝歌二首

東鄰男兒得湘纍西舍女兒生漢妃城郭如村莫  
相笑人家伐閱似渠稀

東岸纜船拋石門西山炊烟連白雲竹籬茅舍作  
晚市青蓋黃旂惹使君

昭君臺

在興山界中鄉人憐昭君築臺望之  
下有香溪然三峽女子十人九瘦

天生尤物元無種萬里巴村山青塚高臺望思臺  
已荒東風漲溪流水香嬋娟鍾美空萬古翻使鄉  
山多醜女多眉作癥亦不須人人有瘦如瓠壺

人鮓甕

在歸州郭下長石截然號峽中最險處  
東岸即屈原宅自此復登舟至巫山

懷沙祠下鐵色磯中流東湍張禍機與齋俱入彼  
可弔乘流而行吾亦危江河難犯一至此天地好  
生安取斯朝歌勝母古尚諱我其覆醢航秭歸

巴東峽口

水宿頻欹側徒行又險艱舟危神女峽馬瘦鬼門  
關照夜燒畚隴緣雲種竿山催成頭雪白休說鬢

截然下脫注云據  
江三之水感時漬  
渾極大 中作下



絲斑

初入巫峽

鑽火巴東岸。攬金峽口船。東江崖欲合。激石水多旋。卓午三竿日。中間一罅天。偉哉神禹跡。疏鑿此山川。

旋一作漩

將至巫山遇雨

數日快晴水落丈餘舟人方以為喜雨作即水又長矣

峽行水落惟憂雨。通夕淋浪怨行旅。千山萬山生白烟。陽臺那得雲如許。牋詞騰告翠帷仙。句我一晴翻手間。放開十二峰頭色。重賦碧叢高插天。

巫山高 并序

余舊嘗用韓無咎韻題陳季陵巫山圖考宋玉賦意辨高唐之事甚詳今過陽臺之下復賦樂府一首世傳瑤姬為西王母女嘗佐禹治水廟中石刻在焉

濕雲不收烟雨霏。峽船作灘梢廟磯。杜鵑無聲猿叫斷。惟有饑鴉迎客飛。西真功高佐禹跡。斧鑿鱗皴倚天壁。上有瑤簪十二尖。下有黃湍三百尺。蔓花蚪木風烟昏。蘇珮翠帷香火寒。靈旂飄忽定何許。時有行人開廟門。楚客詞章元是諷。紛紛餘子空嘲弄。玉色頰頰不可干。人間錯說高唐夢。



刺瀆淖

并序

窩一作渦

齋當作之

瀆淖盤渦之大者峽江水壯則有之或大如一間  
屋相傳水行峽底遇暗石則瀆起已而下旋爲窩  
然亦未嘗有定處或無故突然而作叵測也舟行  
遇之小則欹傾大則與齋俱入險惡之名聞天下  
峽江饒暗石水狀日千變不從灘瀧來但畏瀆淖  
見人言盤渦耳夸險顧有間仍於非時作未可一  
理貫安行方熨穀無事忽翻練突如湯鼎沸翁作  
茶磨旋勢迫中成窪怒霽外始暈已定稍安慰儵  
作更驚眩漂漂浮沫起疑有潛鯨喫勃勃駭浪騰  
復恐蟄鼉扑篙師瞪視魄灘戶呀雨汗逡巡怯大  
敵勇往決麀戰幸免與齊入還憂似蓬轉驚呼招  
竿折奔救竹竿斷九死船頭爭萬苦石上牽旁觀  
兢薄冰撇過捷飛電前余叱馭來山險固嘗偏今  
者擊楫誓豈復憚波面澎澎三峽長颭颭一葦亂  
旣微掬指忙又匪科頭漫天子賜之履江神敢吾  
玩但摧疊鼓轟往助雙槳健

嘲峽石

并序

峽山江濱亂石萬狀極其醜怪不可形容舉非世  
間諸所有石之比走筆戲題且以紀異



墨一作黑

譎詭一作詭譎  
白一作舊

刺作剗

峽山狠無情其下多醜石頑質賈憎垂傀狀發笑  
 啞麤類墳壤黃沉漬鐵矢墨或如溝泥浣或似凍  
 壁圻堆疑聚廩粟侈若壞城甓槎牙鏤朽木狼藉  
 委枯骼礪砢包羸蚌淋漓錮鉛錫縱紋瓦溝隴橫  
 疊衣摺襞鱗皴斧鑿餘坎窞蹴踏力云河清淑氣  
 孕此譎詭跡我本一丘壑嗜石曰成癖端溪紫琳  
 腴洮河綠沉色階冊截肪膩泗磬鳴球擊嵌空太  
 湖底偶立韶江側真陽刺千岩營道剗寸碧倦游  
 所閱多未易一二籍竭來茲山下刺眼昔未覲或  
 云峽多材奇秀鬱以積絕代昭君村驚世屈原宅  
 東家兩兒女氣足豪萬國山石何重輕奚暇更融  
 液我亦味其言作詩曉行客

勞畚耕 并序

畚田峽中刀耕火種之地也春初斫山衆木盡蹶  
 至當種時伺有雨候則前一夕火之籍其灰以糞  
 明日雨作乘熱土下種卽苗盛倍收無雨反是山  
 多磽确地力薄則一再斫燒始可藝春種麥豆作  
 餌以度夏秋則粟熟矣官輸甚微巫山民以收粟  
 三百斛爲率財用三四斛了二稅食三物以終年  
 雖平生不識秔稻而未嘗苦饑余因記吳中號多

餅上脫餅字



嘉穀而公私之輸顧重田家得粒食者無幾峽農之不若也詩以勞之

峽農生甚艱斫畚大山巔赤埴無土膏三刀財一田頗具穴居智占雨先燎原雨來亟下種不爾生不蕃麥穗黃剪剪豆苗綠芊芊餅餌了長夏更遲秋粟繁稅畝不什一遺秉得饜餐何曾識秔稻捫腹常果然我知吳農事請為峽農言吳田黑壤腴吳米玉粒鮮長腰瓠犀瘦齊頭珠顆圓紅蓮勝彫胡香子馥秋蘭或收虞舜餘或自占城傳早秬與晚秬爛炊甑甌間長腰米狹長亦名箭子齊頭白圓淨如珠紅蓮色微赤香子亦

名九里香斗米入數合作飯芳香滿案舜王稻焦頭無鬚俗傳瞽瞍燒種以與之占城種來自海南上皆吳中米品也以不辭春養禾但畏秋輸官姦

吏大雀鼠盜胥衆螟蝻掠剩增釜區取贏折緡錢兩鍾致一斛未免催租瘢重以私債迫逃屋無炊烟晶晶雲子飯生世不下咽食者定游手種者長流涎不如峽農飽豆麥終殘年

巫山縣自此復登陸至夔門縣前棹石灘最險登岸以過舟謂之盤灘城樓日高唐門此去瞿唐不百里縣人以郭西流石堆為水信流石沒則灩澦如馬矣

借馬巫山縣盤舟棹石灘梅肥朝雨細茶老暮烟寒門對高唐起江從灩澦難流堆三尺在旅夢一



道作遵

枝安

自巫山道陸以避黑石諸灘大雨不可行泊  
驛中一日吏士自秭歸陸行者亦會

巫山信是陽雲臺客行五日雲不開陰晴何嘗有  
朝暮夜雨少休明復來今朝水長不知數沒盡山  
根蒼石堆東磯西磯盡如削大灘小灘俱若雷不  
知瞿唐復何似想見萬頃淙一杯祇今木劑已壯  
矣聞道陸程尤艱哉摩圍隘口石生角蹋颯坡前  
泥似醅眼前安得故園路江沙江草便青鞋

燕子坡

其作真

大山如牆缺小山如塚纍衆山直下看方知此峰  
危木末見夔峽一溝盎春泥中有天下嶮造化其  
兒嬉峰頂不滿笑舟中鬢成絲登高尙超覽况乃  
絕俗姿

鬼門關

天作龍頭石闕人言要隔塵樊百年會須作鬼無  
事先穿鬼關

龍作隴

離巫山好晴午後入瞿唐關憩高齋半日  
一昨題詩訴苦霖果然連夜卷曾陰盡收行雨瑤  
姬賜不狗世情巫峽心喜鵲滿枝朝日淡哀猿何



詩尾脫注云高齋  
即杜詩所謂暝色  
延山徑高齋次水  
門者

處宿雲淡水門山徑高齋外一枕清風屏萬金

### 灩澦堆

灩澦之石誰劉鑿惡駭天下形眇然客行五月潦  
始漲但見匹馬浮黃湍時時吐沫作瀆淖潏潏有  
聲如粥煎蜀江西來已無路鑿山作澮方成川瞿  
唐之口狹如帶乃欲納此江漫漫奔流下赴故偪  
仄汝更爭道當其前舟師欹傾落膽過石孽水禍  
吁難全山川丘陵皆地險惟此險絕餘難肩東坡  
筆端喙三尺願與作賦評嘲喧云非此石峽更怒  
白頭忽作傾城妍我從巫山飛一棹歡喜偶脫蛟  
龍涎是非信否未暇詰且上高齋清晝眠

### 夔州竹枝歌九首

五月五日嵐氣開南門競船爭看來雲安酒濃麴  
米賤家家扶得醉人迴

赤甲白鹽碧叢叢半山人家草木風榴花滿山紅  
似火荔子天涼未肯紅

新城果圓連灤西枇杷壓枝杏子肥半青半黃朝  
出賣日午買鹽沽酒歸

癯婦趁墟城裏來十五五市南街行人莫笑女  
麤醜兒郎自與買銀釵



白頭老媪簪紅花。黑頭女娘三髻丫。背上兒眠上山去。採桑已閒當採茶。  
 百衲畚山青間紅。粟莖成穗豆成叢。東屯平田秔米軟。不到貧人飯甑中。  
 白帝廟前無舊城。荒山野草古今情。只餘峽口一堆石。恰似人心未肯平。  
 灩澦如樸瞿唐淡。魚復陣圖江水心。大昌鹽船出巫峽。十日泝流無信音。  
 當筵女兒歌竹枝。一聲三疊客忘歸。萬里橋邊有船到。繡羅衣服生光輝。

雲安縣

鵲下脫注云雲安詩云終日規啼今萬州界因無杜鵑而重名少矣  
安下脫注云江濱增壤載無際如字誤衍

春暮子規少。日斜紅鵠飛。兩山多布木。一島幾柴扉。  
 虬吐無窮壤。人行不斷磯。巴陽昨夜雨。灘上水先肥。  
杜子美詩云涪萬無杜鵑黃鵠飛時滿背純赤或云即黃鶴也峽中蚯蚓之盛無如雲安  
又如多大石岸有一石長里許者杜子美詩云禹功多斷石其實甚長兩山間雨後瀑泉數十百處

萬州自此後登陸州號南浦郡

晨炊維下岩。晚酌樣南浦。波心照州榜。雲脚響衙鼓。  
 前山如屏牆。得得正當戶。西江朝宗來。循屏復東去。  
 官曹倚巖栖。市井喚船渡。瓦屋仄石磴。猿啼鬧人語。  
 剔核杏餘酸。連枝茶贖苦。窮鄉固瘠薄。陋

東去下脫注此萬州形勢也惟親歷者當知此言之工



核下脫注云取仁以為藥也 苦下脫注云不簡枝葉雜葉煎之

俗亦寒窶土人賣杏皆先剔其核又土茶甚苦營營謀食艱寂寂懷  
甄訴昔聞吏隱名今識吏隱處

○橫溪驛感懷

行遍天涯與地隅筋骸那比十年初朱顏有酒且  
留住白髮無方能掃除未得歸田先作賦專攻種  
樹已成書祇今飛到南山下猶解清晨出荷鋤

○午夜登蟠山

癉暑嚴夜裝乘涼躡危橋猿依黑林號鬼閃青炬  
嘯驚鳥動危葉吟蟲滿荒草泉聲遠相隨山色近  
如杳夢猶風燈前身已雲木杪浮生固有沒遠道

沒一作役

尉一作慰

何時了豈惟失寢興亦自倒昏曉恭惟天心仁頗  
議民力稿我懷漢制詔來尉蜀父老熙如春臺登  
沃若時雨膏須知簡書急勿厭蓐食早但勤筆力  
涿時助詩腸攪

○峽石鋪

萬州至此山頂皆有長石如城壁巨數峰不斷峽山至是亦稍開廣間有稻田

峰形壁立偉天造萬雉石城如帶繞山骨鱗皴火  
種難山下流泉卻安稻新秧一稜綠茸茸茅花先  
秋雪搖風后皇嘉種不易熟野草何為攬歲功

○蟠龍嶺

自峽歸夔萬至於梁山五郡間不知其幾嶺梁山之蟠龍峰門尤為高峻然下嶺即有平陸吏卒皆相賀云

夸陵至胸臆複嶺苦絲亂初程尚勇往少日還委



冥當作溟

刑當作形

頓安得長劍揮盡剗疊嶂斷雖云北山愚聊快南  
冥運此意竟蕭索勞歌謾淒曼日日望平陸念念  
到彼岸人言束馬險但欠蟠龍峻摧頽強弩未閑  
勉焚舟戰譬如已償逋猶有未折券山根治曉裝  
峰頂寄朝飯稍脫蚓瘴染還探虎窠翫性命乃可  
憂筋力何足算嶺半途有饅頭山以刑得名  
其上多鷲獸土人謂之馬窠  
蟠龍瀑布自山頂汗漫淋漓分數道而下望  
之宛從天降當為城中布水第一  
銀漢來從左界天大風吹浪落蒼巖人間只見秧  
田潤喚作蟠龍洞裏泉

○峰門嶺遇雨泊梁山

窮鄉誰與話悲酸駐馬看雲強自寬酒力無端妨  
宿病詩情不淺任塵官虎狼地僻炊烟晚風雨天  
低夏木寒行盡峰門千萬丈梁山鼓角報平安

邗邗驛大雨

暮雨連朝雨長亭又短亭今朝騎馬怯平日繫船  
聽竹葉垂頭碧秧苗滿意青農疇方可望客路敢  
遑寧

墊江縣

屬忠州

青泥沒髀僕頻驚黃漲平橋馬不行舊雨雲招新



雨至高田水入下田鳴百年心事終懷土一日身  
謀且望晴休入忠州爭米市暝鴉同宿墊江城

巾子山又雨

百日籃輿困跼踖三晨泥坂兀躋攀晚晴幸自墊  
江縣今雨奈何巾子山樹色於人殊漠漠雲容憐  
我稍班班如今只憶雪溪句乘興而來興盡還

鄰山縣

山頂噓雲黑似烟修篁高柳共昏然鳥啼一夜勸  
歸去誰道東川無杜鵑

沒水舖晚晴月出曉復大雨上漏下濕不堪

水作冰

其憂

晚色熹微暖似薰兒童歡喜走相聞無端星月照  
濕土依舊山川生雨雲吳諺曰星月照濕土旅枕  
夢寒泐屋漏征衫潮潤冷爐薰快晴信是行人願

熏爐薰當作爐

又恐田家暴背耘

金山嶺

阪峻身頻偃崖深首屢回雲浮平地出路拂半天  
來但閱關山過都忘歲月催湘南初上馬猶插早

春梅

金山嶺險峻多古梅

明日至鄰水又雨



昨日方無雨。今朝又不晴。滿山皆屐齒。隨處有泉聲。頗怪陰霖甚。應催老病成。泥塗千騎士。與我共勞生。

殘夜至峰頂上

片月挂高嶺。我行至其巔。舉手欲攬擷。恐驚乘鸞仙。霏霏桂香動。肅肅露脚寒。北斗已到地。南斗猶欄干。但聞浮黎音。來從始青天。大星與之俱。曉色明旂旛。素烟渺陸海。中有人所寰。想見地上友。柝明膏火煎。星落玉宇白。日生綺霞丹。水輪未肯去。相看尚團圓。

團圓一作團

望鄉臺

千山已盡一峰孤。孤立馬行人莫疾。驅從此蜀川平。似掌更無高處望。東吳

早晴發廣安軍晚宿萍池村莊

夜雨洗煩蒸。曉風薦清穆。雲頭墮鐵山。日脚迸金瀑。暑塗一日涼。遠客萬事足。羈人正奔波。觀者何陸續。翠蓋立嚴妝。青裳行跣足。俗陋介南徼。物華入東蜀。竹萌苦已青。荔子酸猶綠。修廬密成籬。直栢森似纛。泥乾馬蹄鬆。路坦亭堠速。暮投何人莊。窗戶暗修竹。

廬當作蘆



巴蜀人好食生蒜臭不可近頃在嶠南其人  
好食檳榔合蠣灰扶留藤一名萋藤食之輒  
昏然已而醒快三物合和唾如膿血可厭今  
來蜀道又爲食蒜者所薰戲題

旅食諳殊俗堆盤駭異聞南餐灰薦蠣巴饌菜先  
葷幸脫萋藤醉還遭葫蒜薰絲萋鄉味好歸夢水  
連雲

嘉陵江過合州漢初縣下

井徑東川縣山河古合州木根拏斷岸急雨沸中  
流關下嘉陵水沙頭杜老舟江花應好在無計會  
江樓

新晴行鄴水上與涪江相近

塗泥初乾雨不落日色未出暑先薄畏途得晴天  
復涼真是腰錢更騎鶴渾渾鄴水流未平悄悄涪  
江如鏡清過盡江沙穿麥隴忽有青蜩扶葉鳴

小溪縣屬遂寧

刈麥千平壠橫槎一小溪梓花紅綻碎粟穗綠垂  
低村婦猶多跣山猿遂少啼東州雖已過錦里尙  
雲西

葺山道中感懷



侍臣筆橐舊西班大將麾幢又百蠻挂席南箕宿  
昔事閃旂東井何時還日增衰病復一日山隔舊  
遊知幾山倦拂盤陀蒼石坐歸心聊與石俱頑

曉發飛鳥晨霞滿天少頃大雨吳諺云朝霞  
不出門暮霞行千里驗之信然戲記其事

朝霞不出門暮霞行千里今晨日未出曉氣散如  
綺心疑雨再作眼轉雲四起我豈知天道吳農諺  
云爾古來占滂沱說者類恢詭飛雲走羣羊停雲  
浴三豨月當天畢宿風自少女起爛石燒成香汗  
礎潤如洗逐婦鳩能拙穴居狸有智蜉蝣強知時  
蜥蜴與聞計蛭鳴東山鶴堂審南柯蟻或如陰石  
鞭或議陽門閉或云逢庚變或自換甲始刑鵝與  
象龍聚訟非一理不如老農諺響應捷如鬼哦詩  
敢夸博聊用醒午睡

蛭當作垤如當  
作加

此下脫遂甯府始  
見平川首鈔補

范石湖詩集卷之十一 終

婺江黃昌倫敘五校字



遂寧府始見平川喜成短歌

峽之西遂之東更無平地二千里惟有高山千三萬  
 重不知誰人鑿混沌獨此融結何其工我本江吳  
 弄水月忽來踏徧西南峰不知塵界在何許但怪  
 星辰浮半空直疑飛入蝶夢境此豈應有人行蹤  
 今朝平遠見城郭云是東川軍府雄原田坦若看  
 掌上沙路淨如行鏡中芋區粟壠潤含雨楮林竹  
 徑涼生風將士懽呼馬蹄快康莊直與錦里通半  
 年崎嶇得夷路一笑未暇憐飄蓬

以上卷十六

范石湖詩集卷之十二

婺源黃昌衢康謠叅訂

宣城袁啓旭士旦校閱

○九月十九日衙散回留大將及幕屬飲清心

堂觀晚菊分韻得謀暮字樂府

以下卷十七

一本注云暮字  
 作樂府此本樂  
 府字原係注字  
 關漏又誤作大字  
 也

甲○光○射○會○雲○雨○腳○不○敢○到○西○山○明○古○雪○秋○日○一○竿  
 照○先○偏○井○絡○密○後○拒○參○旗○掉○分○弓○滴○博○平○鳴○劍○伊  
 吾○小○君○看○天○山○箭○狐○兔○何○足○了○開○邊○吾○豈○敢○自○治  
 有○餘○巧○歸○來○翠○帷○卷○聊○共○黃○花○笑○雖○無○落○帽○風○亦  
 復○接○離○倒○餘○閒○校○筆○陣○刻○燭○龍○蛇○掃○毛○錐○乃○更○勇



我亦鼓旗譟

冬至日銅壺閣落成

走徧人間行路難  
異鄉風物雜悲歡  
三年北戶梅邊暖  
萬里西樓雪外寒  
已辨鬢霜供歲籥  
仍拚髀肉了征鞍  
故園雲物知何似  
試上東樓直北看

十二月十八日海雲賞山茶

追趁新晴管物華  
馬蹄鬆快帽簷斜  
天南臘盡風晞雪  
冰下春來水漱沙  
已報王林催市柳  
仍從掌故問山茶  
豐年自是懽聲沸  
更着牙前畫鼓撾

雨後東郭排岸司申梅開方及三分戲書小

絕令一面開燕

雨入南枝玉蘂皴  
合江雲冷凍芳塵  
司花好事相邀勒  
不著笙歌不肯春

鞭春微雨

旛勝絲絲雨  
笙歌步步塵  
一年新樂事  
萬里未歸人  
雲薄竟慳雪  
酒濃先受春  
送寒東作近  
慚愧耦耕身

綠萼梅

朝罷東皇放玉鸞  
霜羅薄袖綠裙單  
貪看修竹忘歸路  
不管人間日暮寒



玉茗花

折得瑤華付與誰  
人間鉛粉弄粧遲  
直須遠寄驂鸞客  
鬢腳飄飄可一枝

張正字母夫人朱氏挽詞

蘋藻儀邦媛  
詩書了歲華  
籬金寧遺子  
羣玉竟傳家  
厚施心無斃  
浮生自有涯  
空餘報恩子  
三載亦苴麻

十二月二十四日西樓觀雪

一夜珠簾不下鈎  
徹明隨雪上西樓  
瑤池萬頃崑

崑近玉壘千峰滴  
博收已報春迴南  
畝潤從教寒

勒北枝愁四筵都  
為豐年醉錄事  
何須較酒籌

丙申元旦安福寺禮塔蓋成都一歲故事始於此士女大

集拜塔燃香挂旗以禳兵火之災

嶺梅蜀柳笑人忙  
歲歲椒盤各異方  
耳畔逢人無

魯語蜀人鄉音極難解其為京洛者輒謂之魯語或是借偽時以中國自居循習至今不改也

既又諱之改作魯語尤可笑姑就用其字  
鬢邊隨我是吳霜  
新年後飲

酴蘇酒故事先燃  
宰堵香石笋新街  
好行樂與民

同處且逢場余新甃石筍街

初三日出東郊碑樓院  
故事祭東軍因宴此

院蜀人皆以是拜掃

本故事以下皆作小注

本無蓋字成都以下為注

壘當作壘



遠柳新晴暝紫煙小江吹凍舞清漣紅塵一闕人  
歸後跼跼饑鳶蹙紙錢

郊外閱驍騎剪柳

亦曰槎柳

千騎同瞻白羽揮驚塵一闕響金鞦不知掣電彎  
弓過但覺柳梢隨箭飛

初四日東郊觀麥苗

去歲秋霖麥下遲臘殘一雪潤無泥相將飽喫滹  
沱飯來聽林間快活啼

櫻桃花

借暖衝寒不用媒勻朱勻粉最先來玉梅一見憐  
癡小教向傍邊自在開

再去東郊

晚景憎年慣官身作客諳大都緣偶熟豈是性能  
堪昔者開三徑他時老一龕越溪親種竹筠筠綠想

麤麤

三月二日北門馬上

新街如拭過鳴騶芍藥酴醾競滿頭十里珠簾都  
捲上少城風物似揚州

○上巳前一日學射山萬歲池故事

北郊征路記前迴三尺驚塵馬踏開新漲忽明多

去當作出

憎一作增

筠一作芸



一本無坐字

遠一作漲

錦一作景

病眼好風如把及時盃青黃麥壠平平去疎密檜  
林整整來游騎不知多幾許長堤十里轉輕雷

上巳日萬歲池坐上呈程詠之提刑

濃春酒暖絳烟霏遠水天平雪浪遲綠岸翻鷗如  
北渚紅塵躍馬似西池麥苗剪剪嘗新麩梅子雙  
雙帶折枝試比長安水邊景祇無饑客為題詩

新作錦亭程詠之提刑賦詩次其韵二首

飛鴻銜子漫紛紛萬里西遊始識真不管吳霜微  
點髮來看蜀錦爛爭春倚欄定有司花女秉燭仍  
留王夜神異縣賞心誰與共故人新作坐中賓

小築聊鋤草棘荒遊人錯比召南棠花邊霧髮風  
鬟滿酒畔雲衣月扇香燦爛吟殘煩索句淋漓醉  
墨自成行報章遲鈍吾衰矣終日冥搜謾七襄

錦亭燃燭觀海棠

銀燭光中萬綺霞醉紅堆上缺蟾斜從今勝絕西  
園夜壓盡錦官城裏花

寶相花

誰把柔條夾砌栽壓枝萬朵一時開為君也著詩  
收拾題作西樓錦被堆

三月二十三日海雲模石



勸耕亭上往來頻。四海萍浮老病身。亂插山茶猶  
昨夢。重尋池石已殘春。驚心歲月東流水。過眼人  
情一闕塵。賴有貽牟堪飽飯。道逢田畯且睂伸。

○四月十日出郊

約東南風徹曉。忙收雲捲雨。一川涼漲。江混混無  
聲。綠熟麥。騷騷有意。黃吏卒遠時。閒信馬。田園佳  
處。忽思鄉隣翁。萬里應相念。春晚不歸。同插秧。

○納涼

雨洗新秋夜。氣清悴肌無汗。葛衣輕。畫簷分月下。  
西壁絡緯飛來庭樹鳴。

○西樓獨上

竹日駐微暑。松風生早秋。閒尋來處路。獨倚靜中  
樓。老景驅雙轂。鄉心挽萬牛。相隨水上坐。腳底亦  
雲浮。

諧當作詣

○曉詣三井觀

路轉市聲遠。寬間古城東。適從紅塵來。忽入蒼烟  
叢。槿心傾穠露。芋葉翻微風。秋陽澹籬落。殘暑不  
必攻。野老熟睡起。日高首如蓬。官身騎官馬。君應  
笑龍鍾。

○曉起



點鼠緣鈴索，饑鴉啄井欄。不眠秋漏近，多病曉屏寒。  
咄咄渠何怪，休休我自闌。牙門朝日上，簫鼓報平安。  
舫齋晚憩，心作萬緣起。境生千劫忙，誰同油幕靜。  
獨對篆烟長，有盡天魔力。無窮海印光，雨餘弦日上。  
塵界本清凉。

○秋雨快晴靜勝堂席上  
一笑憧憧鴈鴛行，簿書堆裏賦秋陽。心如墜絮沾泥，懶身似飛泉激石。忙雨後，蹲鴟先稻熟，霜前浮蟻鬪。棖香天涯，節物遞愁眼，且復隨鄉便入鄉。

○新涼夜坐

吏退焚香百慮空，靜聞蟲響度簾櫳。江頭一尺稻花雨，窗外三更蕉葉風。日日老添明鏡裏，家家涼入短檠中。簡編燈火平生事，雪白眵昏柰此翁。

秋老四境雨已沛，然晚坐籌邊樓。方議祈晴，樓下忽有東界農民數十人，訴山田卻要雨。須長吏致禱，感之作詩。亦云：  
晚歲羈懷有所思，秋來病骨最先知。鏡中公案已甘老，紙上課程休諱癡。西堰頗聞江漲急，東山猶



無當作樂

說雨來遲錦城無事知多少憂旱憂霖蹙盡眉  
西樓夜坐思林來歲骨盡大快於中  
抗塵懷抱若為寬繞屋蛙聲亦在官巖桂無香秋  
遂晚江鱸有約歲將寒文書散亂朝癡絕燈火妻  
清語夜闌病倦百骸非復我但思禪板與蒲團  
人言。立秋月夜。西樓夜坐。思林來歲。骨盡大快。於中。公笑。曰。  
已放新涼入簾紋更驅餘溽避爐熏穿雲竹月時  
時見咽露莎蛩院院聞稍喜雪山無斥候但虞烟  
驛有移文行藏且付蘧蘧夢明發還親鴈鶩羣

候一作堆

前堂觀月

箕踞繩床政自豪遠遊何暇讀離騷蕭森萬竹秋  
逾瘦突兀雙楠夜更高東郭風喧三鼓市西城石  
洶二江濤色塵聲界如如現本自無禪不用逃  
有懷石湖舊隱

讀一作續

浩蕩沙鷗久倦飛摧頽櫪馬不勝鞬官中風月常  
虛度夢裏關山或暫歸橘社十年霜欲飽鱸江一  
雨水應肥冷雲著地蒲塘晚誰為披蓑暖釣磯

蒲塘一作塘蒲

太平瑞聖花

雪外捫參嶺烟中濯錦洲密攢文杏葉高結綵雲  
毳百世嘉名重三登瑞氣浮挽春同任夏看到火



西流

○無題

聞道明朝送舊官，無情更鼓夜將闌。此生見面知何日，忍淚須臾子細看。

晁子西寄詩謝酒，自言其家數有逝者。詞意悲甚，次韻解之。且以建茶同往。官中風日常

我讀晁子詩十語，九慨傷長川。日夜逝髮髮空蒼，浪君家出世學無生亦無亡。鄉謂法幢立何乃槁木，僵起滅不滿笑。古來共楸行，豈其捏目華解翳。海印光我酒愧薄薄，未能緩愁腸。申以春風芽一瀾，萬慮忘慧刀。儻未割會且掀禪床，錦里有逢迎。謹避舍蓋堂，居然足音。足好在故意，長喞耳念一洗遲君鳳鳴岡。

早衰不寐

官事拘攣似力田，作勞歸晚意茫然。按摩合體俱非我，展轉通宵遠似年。一叟披衣惟兀坐，羣兒得枕便佳眠。人生元是華胥客，休向迷塗更著鞭。

晚步宣華舊苑

喬木如山廢苑西，古溝疎水靜鳴池。吏兵窸窣畚更後，樓閣崔嵬欲暝時。有露冷螢猶照草，無風驚

遠似一作似遠



崔自遷枝歸來更了程書債日青昏花燭穗垂

西樓秋晚

樓前處處長秋苔。俛仰璿杓又欲回。殘暑已隨梁  
燕去。小春應爲海棠來。客愁天遠詩無托。吏案山  
橫睡有媒。晴日滿窗鳧鷺散。巴童來按鴨爐灰。

明日分弓亭按閱再用西樓韻

眼看白露點蒼苔。歲月飛流首屢回。老去讀書隨  
忘卻。醉中得句若飛來。聞雞午夜猶能舞。射雉西  
郊不用媒。自笑支離聊復爾。丹心元未十分灰。

丁酉重九藥市呈坐客

有序

余于南北西三方皆走萬里。皆遇重九。每作水調  
一闋。燕山首句云萬里漢家使。桂林云萬里漢都  
護。成都云萬里橋邊客。今歲倦遊甚矣。不復更和  
前曲。乃作此詩以自戲。

莫向登臨怨落暉。自緣羈宦阻歸期。年來厭把三  
邊酒。此去休哦萬里詩。烏帽不辭欵短髮。黃花終  
是欠東籬。若無合坐揮毫健。誰解西風楚客悲。

會麀節大慈寺茶酒

霜暉催曉五雲鮮。萬國驩呼共一天。澹澹暖紅旗  
轉日。浮浮寒碧瓦收烟。銜杯樂聖千秋節。擊鼓迎

麀當作慶



一本題首有冬字

冬大有年忽憶捧觴供玉座不知身在雪山邊  
至日天慶觀朝拜雲日晴麗遙想郊裡慶成

作驩喜口號

浙浙霜風不滿旗紫烟黃氣捧朝曦五更貫索埋  
光後萬里鉤陳放仗時畱滯周南無舊事布宣漢  
德有新詩豐年四海皆温飽願把驩心壽玉卮

十一月十日海雲賞山茶

門巷驩呼十里村臘前風物已知春兩年池上經  
行處萬里天邊未去人客鬢花身俱歲晚山光酒  
色且時新海雲橋下溪如鏡休把冠巾照路塵

此與丁酉重九詩三  
四率甚讀之不覺若  
正以情事時紫懷抱

海雲回按驍騎于城北原時有吐蕃出沒大

渡河上

古道風沙卷夕霏小江烟浪皺春漪天于麥壠猶  
慳雪人向梅梢大欠詩頓轡青驪飛脫兔離絃白  
日嘯寒鴟牙門列校俱剽銳檄與河邊禿髮知

合江亭隔江望瑤林莊梅盛開過江訪之馬

上我此

何處春能早疎籬限激湍竹間烟雪迴馬上晚香  
寒喚渡聊相覓巡簷得細看極知微雨意未計日  
烘殘

計當作許



新作官梅莊移植大梅數十本繞之

臘前催喚主林神玉樹飛來不動塵契濶西湖慚  
處士飄零東閣似詩人一天午夢空花碎滿地春  
愁月影新掃淨宣華藜藿徑他年誰記石湖濱

○丁酉正月二日東郊故事

椒盤宿酒未全醒擾擾金鞍逐畫駟麥雨一犁隨  
處綠柳烟千縷幾時青客愁舊歲連新歲歸路長  
亭間短亭萬里松楸雙淚墮風前安得諱飄零

○二月十七日病後始能扶頭

復幕重簾苦見遯暮占栖雀曉占鴉殘燈煮藥看  
成老細雨鳴鳩過盡花心爲蚤衰元自化髮雖無  
病已先華更蒙癘鬼相提唱此去山林屬當家

○病中聞西園新花已茂及竹筵皆成而海棠

亦未過

梅塢桃溪斫竹初三旬高卧信音疎春雖與病無  
交涉雨莫將花便破除祇合蘧蘧隨夢去何須咄  
咄向空書頗聞蜀錦猶相待去歲今朝已雪如

○枕上

一枕經春似宿醒三衾投曉尙凄清殘更未盡鴉  
先起虛幌無聲鼠自驚久病厭聞銅鼎沸不眠惟



望紙窗明推頰豈是功名具燒藥爐邊過此生

○初履地

扶頭今日彊冠簪餘燼收從百戰酣長脛閣軀如  
瘦鶴衝風奪氣似枯栴客來傭救懶殘涕老去定  
同彌勒龕何處更能容結習任教花雨落麤麤  
密室憊坐  
如許頭顱莫振矜但尋曲几與枯藤餘生不直一  
彈指此病寧論三折肱何處丹房癡候火誰家籌  
室彊傳燈本來識字耕夫耳今歲仍添百不能

春晚初出西樓

試倚枯藤似籥雲堂塔微步小逡巡忽逢巖桂新  
抽葉屈指黃紬睡一春

○春晚卧病故事都廢聞西門種柳已成而燕  
宮海棠亦爛熳矣

新窗淺窈似禪房竟日虛明裊斷香詩債無邊春  
已老睡魔有約晝初長市橋烟雨應宮柳墟苑池  
臺自海棠游騎行歌莫相笑遨頭六結已龜藏

病起初見賓僚時上疏丐祠未報

浪將冠服衣猿狙因病偷閑稍自如時有好懷誇  
得句略無情語怕回書邊城晏閉稀傳箭村巷春



篁當作簧

遊未荷鋤迨此良辰公事少天恩儻許賦歸歟  
陸務觀云春初多雨近方晴碧雞坊海棠全  
未及去年實分初生處而未有  
遲日溫風護海棠十分顏色醉春粧天公已許晴  
教好說與鳴鳩一任忙市柳雨惡宮柳嫩  
報事碧雞坊裏來今年花少似前回笙篁冷落遨  
頭病不著梁州打不開

清明日賦新火作牡丹會蜀人以洛中千葉  
種為京花單葉為

川花

再鑽巴火尚浮家去國年多客路賒那得青烟穿  
御柳且將銀燭照京花香鬢半醉斜枝重病眼全  
昏瘴霧遮錦地繡天春不散任教簷雨捲泥沙一

三月十九日夜極冷

誰勒餘寒不放迴春深猶暖地爐灰鄉心忽向燈  
前動夜雨先從竹裏來鶻鳩已如鶯百轉醪醑那  
復雪千堆調糜煮藥東風老慚愧茶甌與酒杯

垂絲海棠

春工葉葉與絲絲怕日嫌風不自持曉鏡為誰粧  
未辨沁痕猶有淚燕脂

浣花戲題爭標者



凌波一劇便捐生得失何曾較重輕蝸角虛名人  
尙愛錦標安得笑渠爭

鹿鳴宴

岷峨鍾秀蜀多珍坐上儒先更逸羣墨沼不憂經  
覆瓿琴臺重有賦凌雲文章小技聊干祿道學初  
心擬致君富貴功名今發軔願看稽古策高勲

陸務觀作春愁曲悲甚作詩反之

東風本是繁華主天地元無著愁處詩人多事惹  
閑情閉門自造愁如許病翁老矣癡復頑風前一  
笑春無邊槽床夜鳴如落泉一杯正與人相關

種竹了題愛山亭

灑掃宣華舍此君烟中月下綠生塵他年葉葉清  
風滿莫怨今年借宅人

題錦亭

手開花徑錦成窠浩蕩春風載酒過來歲遊人應  
解笑甘棠終少海棠多

以上卷十七

初發太城畱別田父

西蜀夏旱未行前數日連  
得雨父老云今歲又熟矣

秋苗五月未入土行人欲行心更苦路逢田翁有  
好語競說宿來三尺雨行人雖去亦伸眉翁皆好  
住莫相思流渠湯湯聲滿野今來醉飽雞豚社



俾當作郛

入崇寧界

桑間三宿尙回頭何況三年濯錦遊草草俾筒中

酒處不知身已在彭州

懷古亭

在永康離堆之上離堆分岷江水一派

朝來寫得故人書雙鯉難尋鴈亦無付與離堆江

水去好從俾縣到成都

岸當作崖

以字行

鮮當作鱗

離堆行

公江有兩岸中斷相傳秦李太守鑿此以分江水又傳李鎮孽龍於潭中今有伏龍觀在潭上

蜀旱支以江水涸卽遣官致祭壅都江水以自足謂之攝水無不應民祭賽者率以羊豕殺四五萬計

殘山狼石雙虎卧斧跡鮮皴中鑿破潭淵油油無

敢唾下有猛龍踰鐵鎖自從分流注石門西州秔

稻如黃雲判羊五萬大作社春秋伐鼓蒼烟根我

昔官稱勸農使年年來激西江水成都火米不論

錢絲管相隨看蠶市欵門得得酌清尊椒漿桂酒

刪羶葷妄欲一語神豈聞更願愛羊如愛人

崇德廟

李太守廟食處也

雪山南風融雪汁化作岷江江水來不知新漲高

幾畫但覺樓前奔萬雷天教此水入中國兩山辟

易分道開我家長川到海處卻在發源傳酒杯人

生幾屐辦此役遠遊如許神應哈東歸短棹昨已

具明日發船撾鼓催灘平放溜日千里已夢鱸鱸

畫下脫注云離堆石壁舊有水則記漲痕占歲事一畫為一則



如雪堆丹楓繫纜一回首玉壘浮雲安在哉

戲題索橋

織簾勻鋪面排繩彊架空染人高曬帛獵戶遠張  
置薄薄難承雨翻翻不受風何時將蜀客東下看  
垂虹

青城山會慶建福宮

宮舊名丈人觀予為請  
于朝賜今各入山前數  
日勅書至自行在予就設醮以祝聖人壽云

墨詔東來洵驛傳璇題金榜照山川祥開聖代千

秋節響動仙都九室天觸石湧雲埋紫羅流金飛

火燭蒼巖祇應老宅麗眉客長記新宮錫號年老宅

即老人  
村也

再題青城山

萬里清遊不暇慵雙旌換得一枝筇來從井絡直

西路上到江源第一峰海內閑身輸我佚山中佳

氣為人濃題詩試刻巖前石付與他年蘇暈重

玉華樓夜醮

青城觀殿前大樓制作瑰麗羽  
衣云數年前曾一現已而如有  
風吹滅之比同行諸官至則無見矣予默禱云  
此燈果為來者當再明使眾共觀之語詎復現

丈人峰前山四周中有五城十二樓玉華仙宮居

上頭紫雲瀕洞千柱浮剛風八面寒颼颼靈君晏

坐三千秋躡符行飛戲元洲下睨濁世悲蜉蝣桂

麗下脫去初夜有火  
炬出殿後峰上十字



遊當作存 營  
作歟

靈一作神

旂當作遊

旗偃蹇澹少休知我萬里遙相投暗蛭奏樂鏘鳴  
球浮黎空歌清夜道叅旗如虹歛下流化爲神燈  
燭巖幽火鈴洞赤凌空遊誰欲蔽虧黯然收禱之  
復然爲我畱半生縛塵鷹在鞞豈有骨相肩浮丘  
山英發光洗羈愁行迷未遠夫何尤笙簫上雲靈  
欲旂揖我從之驂素虬

上清宮

自青城登山所  
謂最高峯也

歷井捫參興未闌丹梯通處更躋攀冥濛蜀道  
雲氣破碎岷山千髻鬢但覺星辰垂地上不知風  
雨滿人間蝸牛兩角猶如夢更說紛紛觸與蠻

范氏莊園

夕陽塵土漲郊墟六六峰頭夢覺餘竹色喚人來  
下馬亂蟬深處有圖書

青城縣何子方使君同年園池

橙塍芋壠意中行浩蕩薰風不計程雨腳背人歸  
玉壘江聲隨馬入青城五橋今日新知路千佛當  
年舊綴名水竹光中同一笑丐君荷露濯塵纓

何同年書院

有丹竈  
甚雅

竹色侵晚帙泉聲激嵌根試通丹竈路應到老人  
村



遊當作存 欲當 作歟

靈一作神

存當作遊

旗偃蹇澹少休知我萬里遙相投暗蛭奏樂鏘鳴  
球浮黎空歌清夜道叅旗如虹歛下流化為神燈  
燭巖幽火鈴洞赤凌空遊誰欲蔽虧黯然收禱之  
復然為我畱半生縛塵鷹在鞞豈有骨相肩浮丘  
山英發光洗羈愁行迷未遠夫何尤笙簫上雲靈  
欲旂揖我從之驂素虬

上清宮

自青城登山所  
謂最高峯也

歷井捫參興未闌丹梯通處更躋攀冥濛蜀道

雲氣破碎岷山千髻鬢但覺星辰垂地上不知風  
雨滿人間蝸牛兩角猶如夢更說紛紛觸與蠻

范氏莊園

夕陽塵土漲郊墟六六峰頭夢覺餘竹色喚人來  
下馬亂蟬深處有圖書

青城縣何子方使君同年園池

橙塍芋壠意中行浩蕩薰風不計程雨脚背人歸  
玉壘江聲隨馬入青城五橋今日新知路千佛當  
年舊綴名水竹光中同一笑丐君荷露濯塵纓

何同年書院

有丹竈  
甚雅

竹色侵晚帙泉聲激嵌根試通丹竈路應到老人  
村



江源縣張季長正字家善頌堂季長畫出先世所藏圖書  
壁有趙清獻公為令時題名是日食  
新米坐中皆贊喜夏初嘗大旱也

我窮江源來名勝頗追逐薰風秀沃野在處得奇  
矚頌堂有佳士文字照縑竹圖書抱世守古錦韜  
玉軸黃金不滿贏故國有喬木逡巡酒如澠霍霍  
具水陸田頭新穀升一飯香滿屋回思閔雨時敢  
望遽炊玉摩挲壁間題明府遂州牧山高江水長  
百世照尸祝我來坐琴壇琴壇在成都西園清覲  
汗媿前躅空餘煙霞痕未許是公獨請歌青城遊  
或附耆舊錄

蜀州西湖荷花正盛開水月登舟亭也湖陰亭外別有白蓮尤奇蜀中無菱至此始見之

閒隨渠水來偶到湖光裏仍呼水月舟徑度雲錦  
地誰云不解飲我已荷香醉湖陰玉嬋娟負立紅  
妝外何須東閣梅悠然自詩思驚風入午暑水竹  
有秋意采菱不盈掬興與尊鱸會遙知新津宿魂  
夢亦清麗



最高峰望雪山

大面峰頭六月寒神燈收罷曉雲班浮空忽湧三  
銀闕云是西天雪嶺山

范氏莊園

東閣梅  
悠然自詩思驚風入午暑水竹有秋  
意采菱不盈掬興與蓴鱸會遙知新津宿魂夢亦

清麗

新津道中

雨後郊原淨村村各好音宿雲浮竹色清溜走橙  
陰曲沼擎青蓋新畦執綠針江天空濶處不受暑

范氏莊園以下脫  
誤頗多東閣云  
係蜀州西湖詩之  
後半首中間脫去  
予餘行另紙從顧  
本鈔補



光侵

次韻陸務觀編修新津遇雨不得登修覺山

經過眉州三絕

新津館舍上漏下濕送客皆不堪憂修覺一望人云可見劍門杜子美所謂西川供客眼處眉山城中悉是汙池

澹極故自深

送客多情難語離僕夫無情車載脂平生漂泊知何限少似新津風雨時

離合紛紛怕遠遊遠遊仍怕賦登樓何須一望三千里望盡西州轉更愁

雨後暮願山色開玻璃江清已可杯綠荷紅菱香四合又入芙蓉城裏來

中巖

潤當作閣

赤巖倚竝峭翠邏森成削岑蔚嵐氣重稀間暑光薄聊尋大士處往扣洞門鑰雙撐紫玉關中蠹翠雲幄應供華藏海歸坐寶樓潤無法可示人但見

挂當作桂

雨花落不知龍湫勝何似魚潭樂夜深山四來人靜天一握驚看松挂白月影到林壑門前六月江

恍當作洗

世界塵漠漠寶餅有甘露一滴恍煩濁捫天援斗

杓請為諸君酌去眉州一程諾詎羅尊者道場相傳昔有天臺僧遇病僧與之木鑰

匙云異時至眉州中巖扣石筭當再相見後果然今三石屹立如樓

慈姥巖與送客酌別風雨大至涼甚諸賢用

中巖韻各賦餞行詩紛然擘牋清飲終日雖

觀前兩樓純紫石中樓蘿蔓被之傍有寶瓶峰甚端正山半有喚魚潭越境龍所居世傳雁蕩天小龍湫亦詎羅道場豈化人往來無常處耶如樓下注未竟從顧本鈔補



無絲竹管絃而情味有餘

山靈知我厭塵土喚起蟄雷塵午暑松風無力雨  
絲長散作毵毵雪塵舞巖前懸溜珠簾傾安得吹  
來添玉觥詩成酒盡腸亦斷休喚佳人歌渭城

歌一作唱

巖下脫酌字

次韻陸務觀慈姥巖別二絕

送我彌旬未忍回可憐蕭索把離杯不辭更宿中  
巖下投老餘年豈再來

明朝真是送人行從此關山隔故情道義不磨雙  
鯉在蜀江流水貫吳城

次韻代荅劉文潛司業二絕

半當作平

半羨江上首空回慈姥巖前定把杯縱使石腸都  
忘卻也應風雨送愁來

回廊月下短歌行惟有知音解有情一曲紅窗聲  
裏怨如今分作兩愁城

玻璃江一首戲劾陸務觀作

玻璃江頭春淙淙別時沄沄流到今祇言日遠易  
排遣不道相思翻苦心烏頭可白我可去菖花易  
青君易尋人生若未免離別不如碌碌無知音

余與陸務觀自聖政所分袂每別輒五年離  
合又常以六月似有數者中巖送別至揮淚



失聲畱此為贈

宮塗流轉幾沉浮。雞黍何年共一丘。動輒五年遲  
遠信。常于三伏話羈愁。月生後夜天應老。淚落中  
巖水不流。一語相開仍自解。除書聞已趣刀頭。

萬景樓

書當作詩今當作令

左披九頂雲。右送大峨月。殘山剩水不知數。一一  
當樓供勝絕。玻璃濯錦遙相通。指麾大渡來朝宗。  
川靈胥命各東去。我亦順流呼短篷。詩無傑語慚  
風物。賴有丹青傳小筆。仍添書客倚欄看。今與山  
川相映發。龍彎歸路遶烏尤。棟雲簾雨邀人畱。若  
為喚得涪翁起。題作西南第一樓。在漢嘉城中山上登覽勝絕始

冠西州予令畫工作圖以歸山谷

來遊時但有安樂園未有此樓也

凌雲九頂即大石佛處初登山時岩壁悉剝為小佛不知其數山前佛頭灘受雅江之衝最為艱險

聊為東城載酒遊。萬龕迎我到峰頭。江搖九頂風  
雷過。雲挾三峨日夜浮。古佛臨流都坐斷。行人識  
路亦歸休。酣酣午枕眠方丈。一笑閑身始自由。

戲題方響洞

漢嘉廣福院中水洞有聲琅然莫知其所在舊名丁東水

隔凡水澗不可越。眾真微步壺中月。徙倚含風玉  
佩聲。何須聽作蕤賓鐵。山谷易名且題詩云古人名此丁東水自古丁東直到今我為改為方響洞要知山水有清音

問月堂酌別

題注未竟鈔補詩尾



同年謂予蒼萬景  
嘉州酒名湖亭明月湖  
在州治前方作旗亭  
傍有巖景題允佳字  
蒼欲作樓未果  
注多刪脫今補

半明燈火語悲酸此會情知後會難四海宦遊多  
聚散一生情事足悲歡鬢絲今夜不多黑酒量徹  
明無數寬醉夢登舟都不記但聞風雨滿江寒

別後寄題漢嘉月榭

陸務觀所作取太白峩  
眉山月之語 正置大峨

隱吏詩情卜築幽同年惜別勸淹留試傾萬景湖  
亭酒看著半輪江月秋川路雖長猶共此夜船空  
載且歸休碧巖勝處頻回首好事誰能更小樓

過燕渡望大峨有白氣如層樓拔起叢雲中

圓野千山暑氣昏大峨烟靄亦繽紛玉峰忽起三  
千丈應是兜羅世界雲

蘇稽鎮客舍

送客多回我獨前何人開此竹間軒灘聲悲壯夜  
蟬咽併入小窗供不眠

婺江黃昌偁元之校字

范石湖詩集卷之十一 終



范石湖詩集卷之十三

婺源黃昌衢康誥叅訂

宣城袁啓旭士旦校閱

岷

眉縣

縣出符文布婦女人人績麻且行且觀田家束蒿然於門口為香氣以迎客

窮鄉未省識旌旄  
雞犬驩呼巷陌騷  
村媪聚觀行績布  
野翁迎拜蹠然蒿  
泉清土沃稻芒早  
縣古林深槐癭高  
珍重里儒來獻頌  
盛言千載此丘遭

初入大峨

烟霞沉痼不須醫  
此去真同汗漫期  
曾欵上清臨大面  
仍從太白問峨眉  
山中緣法如今熟  
世上功



名自古癡。賸作畫圖歸。挂壁他年猶欲卧遊之。

華嚴寺

衆峰攢壁立。中有路一綫。板援白雲梯。食頃已天  
半。我本紫芝曲。誤落青芻棧。向來脫新羈。恍已還  
舊觀。花烟辭少城。暑雪對大面。來從太白西。更走  
三峨徧。風生兩腋輕。泉吼四山眩。今晨第一程。莫  
嘆輿僕倦。

中峰

有普賢閣。背倚白崖。峰餘七十。峰共環之。茂真尊者舊菴在峰下。其旁  
一峰最秀。號呼應孫思邈。所作來傳云。茂真與孫常相呼而應。故名。

凌高蹋危峰。斗下頰幽谷。仙英馥椒蘭。嘉陰轟旄  
纛。空翠元不雨。洩雲自膏沐。暑浴森有稜。痺肌凄  
欲粟。白崖如負依。金界莫蒼麓。衆峰拱二八。娟妙  
繞重屋。真人與尊者。幽居接松竹。呼之儻肯應。雷  
我試殮玉。

雙溪

兩溪各自一山來。齊出橋下。前行入林。數十步合爲一水。洄而深潭。以入寶現溪。僧云  
此景猶在廬山三峽。雁蕩龍湫之上。溪中舊常有兩石。子闔曰。照溪中常有五色光相。

冷風騷騷木葉低。洞淵阻澗生怪奇。碧琳雙澗黑  
無底。中有玉龍相對飛。雷轟雪捲入林樾。化爲一  
龍潭。底沒摩尼鬪。罷四山空時有寶光巖。下發

寶現溪

雙溪合而一。既出巖竇。散爲此溪。叢三藏自西域歸。過溪見兩石  
子闔攬得其一。今藏黑水寺石上。有一目端正。透底溪以此得名。

祭祭罨畫沙。鱗鱗麴塵水。朝陽相發揮。光景艷孔  
翠。寧聞雙溪號。但見縠紋細。神魚不謀食。終日印

殮一作餐

法首本有在泉  
寺前五字

浴一作絡



潭底躍珠本具眼聊共阿師戲收藏更傳寶一笑  
落第二

點心山

在白水寺後  
自此登峯頂

入山窮宿雨上山賀朝霽跬步便歷險轉盼已呀  
氣豈惟膝點心固已頭搶地遊人貪勝踐姑吟蜀  
道易

大扶捍

身如魚躍上長竿路似鏡中相對看珍重山丁扶  
我過人間踽踽獨行難

小扶捍

食時方了大扶捍前逢仄徑仍崎嶇懸崖破棧不  
可玩輿丁挾我如騰狙半生行路險艱足如今雪  
鬚應難綠卻憐苔髮鎮長青千古鬢髮挂高木

猢猻梯

峽裏有猢猻愁子嘗過之

木磴鱗鱗滑帶泥微生欹側寄枯藜猢猻愁處我  
猶過箇裏如今幸有梯

雷平湖

七十二洞皆在道旁大早有禱投香花不應卽以  
大石或死甓及婦人弊履投而觸之雷雨卽至

行人魄動風森森兩崖奔黑怒太陰不知七十二  
洞處側足下窺雲海淡聞有神龍依佛任棖觸須  
更召雷雨兩川稻熟須好晴我亦閑遊神勿驚

窮作窘

裏一作山

雷平湖一作雷洞  
平

怒一作愁



八十四盤

冥鴻無伴鶴孤飛。回首塵籠一笑嬉。八十四盤新  
拄杖。萬三千乘舊牙旗。石梯碧滑雲生後。木葉紅  
斑雪霽時。說與同行莫惆悵。人間捷徑轉欽巖。

婆羅平

仙聖飛行此是家。路逢真境但驚呀。神農嘗外盡  
靈藥。天女散餘多異花。嵐雨遍衣寒似鐵。冰泉炊  
米硬于沙。峰頭事事殊塵世。缺甃跳梁笑井蛙。

思佛亭曉望

栗烈剛風刮病眸。登臨何啻緩千憂。界天暑雪青  
城外。湧地晴雲瓦屋頭。浩蕩他年誇北客。蒼茫何  
處認西州。千巖萬壑須尋徧。身是江湖不繫舟。

光相寺

峰頭四時如大冬。芳花芳草春自融。苔痕新晞六  
月雪。木勢舊偃千年風。雲物爲人布世界。日輪同  
我行。虛空浮生元自有。超脫地上可憐悲。撻蓬

七寶巖

大峨絕頂白水寺已在山半  
由白水陡上至巖又六十里

天如碧玉甌。下覆白玉盤。晶光眩相射。我獨居兩  
間。正視不勝瞬。卻立聊少安。但覺風浩浩。骨毛森  
以寒。神仙杳無處。寧論有塵寰。身輕一稿葉。兩腋



如飛翰同行挽我衣何往可當還少畱作詩去奇  
哉此憑欄

淳熙四年六月二十七日登大峨之巔一名  
勝峰山佛書以爲普賢大士所居連日光相  
大現賦詩紀實囑印老刻之以爲山中一重  
公案

揮當作暉

勝峰高哉摩紫青白鹿導我登化城住山大士喜  
客至兜羅布界續相迎圓景明揮倚雲立艷如七  
寶莊嚴成一光未定一光發中有墨像隨心生白  
毫從地插空碧散燭象緯天龍驚夜神受記亦修  
供照世洞然千百燈明朝銀界混一白咫尺眩轉  
寒凌兢天容野色儵開閉慘澹變化愁仙靈人言  
六通欲大現洗山急雨如盆傾重輪疊采印巖腹  
非烟非霧非丹青我與化人中其任鏡光覲面交  
相呈前山忽湧大圓相日圍月暈浮青冥林泉草  
木盡含畏是則名爲普光明言詞海藏不勝讚北  
峰復有金橋橫衆慈久立佛事竟一塵不起山岭  
嶢向來無法可宣說爲問有耳如何聽我本三生  
同行願隨緣一念猶相應此行且復印心地衣有  
寶珠奚外營題詩說偈作公案亦使來者知吾會



雪當作雷

此下脫請佛閣晚  
望淨光軒虎溪白  
雲峽四首誤次於  
後

共作供

神通佛法須判斷一任熱椀春雪鳴

孫真人菴

何處仙翁舊隱居青蓮巉絕似蓬壺雲淡未到淘  
朱洞雨小先尋鍊藥爐澗下草香疑可餌林間虎  
伏試教呼閑身儘辦共薪水定肯分山一半無

龍門峽

插天千丈兩碧城中有玉塹穿巖扃瀑流懸布不  
知數亂落嵌根飛白雨瑤琨爲室雲爲關龍君所  
居朱夏寒不辭擊棹更深入萬一龍驚雷破山

既離成都故人送者遠至漢嘉分袂其尤遠  
而相及于峨眉之上者六人范季申郭中行

尚一作商

楊尙卿嗣勳李良仲譚德稱口占此詩畱別

我本任林屋風吹來錦城錦城亦何樂所樂多友  
生相從不知久相送不計程橫絕峨眉巔欲去有  
餘情吾宗蓋難弟李郭人中英二楊懿文德譚子  
資粹清相視心莫逆劇談四筵輕明朝各回首雲  
水相與平我今投紱去行且扶犁耕淒涼別知賦  
慷慨結客行後會豈不好路長恐寒盟諸賢乃不  
凡骨相有功名大厦罩羣木明廷朝萬靈王畿坦  
如砥結綬當同登道傍石湖水誰能叩柴荆夢中



倘相見秉燭聽殘更

只肯請佛閣晚望雪山數十峰如爛銀晃耀署光

中

累塊蒼然是九州大千起滅更悠悠雪光正照天

西角日影長浮雨上頭峰頂何曾知六月塵間想

已別三秋佛毫似欲畱人住橫野金橋晚未收

淨光軒白水寺

翳華銷盡八窗明雨竹風泉演妙聲身世只今高

幾許北峰渾共倚欄平

虎溪

黑水寺前雖不及雙溪亦佳處也開山僧至此斷渡一虎踞前因跨之亂流以濟今作橋其上水歲推壘輒更新之

水本無心作浪波徑行偶與石相磨不須更問橋

安否喚取於菟載我過

○白雲峽牛心寺

雙溪疑從銀漢下我欲窮源問仙舍飛瀾濺沫漱

聞威州諸羌退聽邊事已寧少城籌邊樓闌

檻修葺亦畢工作詩寄權制帥高子長

籌邊樓上美髯翁赤白囊飛笑語中勃律天西元

采玉蓬婆雪外昨分弓踏筵舞罷平闌月橫槊詩

成滿袖風諸校各能歌破陣何須琴裏聽平戎

平戎皆一本事子長當一笑領



暑當作暑

倘相見秉燭聽殘更

請佛閣晚望雪山數十峰如爛銀晃耀暑光

中

累塊蒼然是九州大千起滅更悠悠雪光正照天

西角日影長浮雨上頭峰頂何曾知六月塵間想

已別三秋佛毫似欲畱人在橫野金橋晚未收

淨光軒白水寺

翳華銷盡八窗明雨竹風泉演妙聲身世只今高

幾許北峰渾共倚欄平

虎溪

黑水寺前雖不及雙溪亦佳處也開山僧至此斷渡一虎踞前因跨之亂流以濟今作橋其上水歲推壘輒更新之

水本無心作浪波徑行偶與石相磨不須更問橋

安否喚取於菟載我過

白雲峽牛心寺

雙溪疑從銀漢下我欲窮源問仙舍飛瀾濺沫漱

籃輿卻望兩岸天一罅疎疎暑雨滑危梯策策山

風掖高駕尋幽險絕太奇生莫笑退之號太華

捷為江樓

以下卷十九

河邊堵立看歸篷三老開頭暮欲東漲水稠灘連

峽內淺山浮石似湘中無人驛路榛榛草有客江

樓浩浩風種落塵消少公事賸裁新語寄詩筒縣令

以上四首當列孫真人卷首之上  
此下脫去開成州諸羌退聽首公顧本鈔補



師永錫同  
年能詩

宣化道中

瘦草蕭疎已似秋盤陀山骨束江流兩崖若不頑  
如鐵爭得狂瀾拍岸休

將至敘州

亂山滿平野漲水豪大川仄徑無轍跡疎林有催

烟山農且燒畚蠻賈暑荷甌窮鄉足荒怪打鼓炊

我船

七夕至敘州登鎖江亭山谷謫居時屢登此

亭有詩四篇敬用其韻

水口故城丘壘平新亭乃有緬鐵橫

馬湖蠻江路蠻自江出必過城下故實鎖以為限

今遷城過江已失形勝而猶于亭下鎖江持以欄

稅而已非本旨也歸艤擊鼓若飛渡一雨徹明秋漲生東

樓鎖江兩重客筆墨當代俱詩鳴我來但醉春碧

酒星橋脉脉向三更

江安道中

穠綠連村荔子丹瘴雲將雨暗前灣漲旗且喜三

灘駛叱馭曾驚九折艱瀘水舟閑逃古渡馬湖碑

缺伴荒山威名功業吾何有無事飄飄犯百蠻

催當作炊

炊當作催

鼓一作汰



瀘州南定樓

歸艤東下興悠哉小住危欄把一杯樓下泔泔內  
江水明朝同入大江來

題譚德稱扇

蠻風吹雨瘴江肥短草荒山鳥不飛盡是瀘南腸  
斷句如今分與故人歸

題楊商卿扇

德稱與楊商卿父子送余遠至瀘之合江以扇求詩各題一絕

君歸我去兩消魂愁滿千山鎖瘴雲後夜短檠風  
雨暗誰能相伴細論文

題楊子容扇

雙竹軒窗聽讀書垂天雲翼要搏扶與君作只三  
年別射策東來過石湖

譚德稱楊商卿父子送余自成都合江亭相  
從至瀘南合江縣始分袂水行踰十里作詩

以別

合江亭前送我來合江縣裏別我去江流好令人  
好乖明日東西南北路千里追隨不忍歸一杯重  
把知何處臨岐心曲兩茫然但祝頻書無別語

發合江數里寄楊商卿諸公

臨分滿意說離愁草草無言祇淚流船尾竹林遮

作只當作只作

十當作千



縣市故人猶自立沙頭

過江津縣睡熟不暇梢船

西風扶櫂似乘槎水濶灘沉浪不花  
夢裏竹間喧急雪覺來船底哀鳴沙

恭州夜泊

草山礮礮疆田疇村落熙然粟豆秋  
翠竹江村非錦里青溪夜月已渝州  
小樓高下依磐石弱纜西東戰急流  
入峽初程風物異布裙跣婦總垂瘤

大熱泊樂温有懷商卿德稱

暑候秋逾濁江流晚更渾瘴風如火  
焮嵐月似烟昏城郭廩君國山林妃  
子園故人新判袂得句與誰論

誰論

涪州江險不可泊入黔江棧舟

黃沙翻浪攻排亭瀆淖百尺呀成坑  
拗窪眩轉久乃平一渦熨帖千澗生  
篙師絕叫毆川靈鳴鏡飛度如奔霆  
水從岷來如濁涇夜榜黔江聊濯纓  
玻瓈徹底鏡面清忽思短棹中流橫  
釣絲隨風浮月明

物當作均

妃子園

涪陵荔子天寶所貢去州里有此園然峽中荔子不及閩中遠甚陳紫又閩中之最也

露葉風枝驛騎傳華清天上一嫣然  
當時若識陳



湧出下脫注云丹竈  
古柏皆其故物晉隋  
殿宇無恙壁畫悉  
是當時遺跡內王母  
朝元隊仗尤奇道  
此地即所謂北都羅  
所住又名平都福地

家紫何處蠻村更有園

豐都觀

在豐都縣後三里平都山舊名仙都觀相傳前漢王方平后漢陰長生得

道處陰君上升時五雲從地湧出內王母朝元隊仗尤奇

神仙得者王方平誰其繼之陰長生飄然空飛五

雲駟上賓寥陽畱玉京石鑪丹氣常夜明寵光萬

栢森千齡峽山偈仄岷江縈洞宮福地古所銘云

有北陰神帝庭太陰黑簿囚鬼靈自從仙都啓巖

扃明霞流電飛陽晶暉景下墮鑠九冰塞絕苦道

升無形至今臺殿棲竚嬾隋巧唐堊畱丹青十仙

怪奇溪女清瑤池仙仗紛娉婷琅璈赴節鏘欲鳴

我來秋暑如炊蒸汗流呀氣扶枯藤摩挲衆蹟不

暇評聊記梗概知吾曾

萬州西山湖亭秋荷尙盛

叢蒼忽明眼山腰灩湖光列岫繞雲錦深林護風

香西山卽太華玉井餘秋芳隔江招岑仙共擘雙

蓮房

下巖

疇昔中巖一夢殘下巖風景亦高寒峽中無處堪

停棹雨後今朝始凭欄不用苦求毫相現祇教長

挂水簾看山僧勸我題蒼壁坡谷前頭未敢刊



瘴俗下脫注云夾岸山  
悉齊入瘴界山皆巖然  
連三峽之水可飲取之  
卧龍千里之外雲安麴  
米春自唐以來稱之今  
瘴酒乃不佳  
是一作自  
瞿唐行下脫注云七月十  
九日至夔子灩澦撒髮  
不可犯是夜水漲及出腹  
詰旦視灩澦則已在水  
中土人云此青草齊也

可以冒險而入遂致梓  
畧其項而過郡中遣  
候兵至山上每舟平安  
則操幟以招後舟  
以下接白鹽赤甲云

魚復浦泊舟望月出赤甲山山形斷缺如鼉  
龍坐兩張頤月自缺中騰土山頂  
月生赤甲如金盆蹲龍呀口吐復吞長風浩蕩挾  
之出影落半江沉復翻天高夜靜四山寂惟有灘  
聲喧水門高齋詩翁不可作我亦不眠終夕看

夔門卽事

自東川入路至恭州便有瘴俗

峽行風物不堪論  
秣暑驕陽雜瘴氛  
人入恭南多附贅  
山從夔子盡侵雲  
竹枝舊曲元無調  
麴米新筩但有聞  
試覓清冷一杯水  
筒泉須是卧龍分

瞿唐行

白鹽赤甲皆峽口大山黃嵌黑石皆  
峽中至險處入峽西岸有聖泉舟人

或向之疾呼曰人渴也泉卽迸下一杯許復  
乾余舟過甚急未之試也

川靈知我歸有程  
一夜漲痕千丈生  
中流擊楫洶作氣  
夾岸歛旗呀失聲  
不知灩澦在船底  
但覺瞿唐如鏡平  
鑿峽疏川狼石破  
號山索飲飛泉驚  
白鹽赤甲轉頭失  
黑石黃嵌擽命輕  
草齊增肥無泊處  
竹枝凝烟空餘情  
人間險路此奇絕  
客裏驚心吾飽更  
劍閣翻成蜀道易  
請歌范子瞿唐行

夜泊歸州

州有宋玉宅昭君臺

舊國風烟古  
新涼瘴癘清  
片雲將客夢  
微月照江聲  
細和悲秋賦  
遙憐出塞情  
荒山餘闕閱  
兒女擅



嘉名

秭歸郡圃絕句二首

花竹蕭騷小圃畦。官居儼似隱淪棲。巴山四合秋陽滿。杜宇黃鸝相對啼。

孤城偪仄復偪仄。前山後山青欲來。市聲蕭條衙鼓靜。惟有叱灘喧萬雷。叱灘卽黃魔灘。下連人鮓壩。

宋玉宅

相傳秭歸縣治卽其舊址。縣左旗亭好事者題作宋玉東家。

悲秋人去話難工。搖落空山草木風。猶有市人傳

舊事。酒鑪還在宋家東。

後巫山高一首

余前年入峽嘗賦巫山高。今復作一篇。十二峰中東西各

一峰最奇不可繪畫。左右前后餘峰之可觀者尚多不止十二峰也。

峰也。下脫注云不問陰晴雲物常相映帶。尤為勝絕。但以漲江湍怒難棹泊鼓棹而過。不復登廟前。余以水暴漲。得下。履唐至巫山縣。云却須水退始可入。巫峽一夜水落十餘丈。遂不復滯留。探一作深。

凝真宮前十二峰。兩峰娟妙翠插空。餘峰競秀尙多有。白壁蒼崖無數重。秋江漱石半山腹。倚天削鐵荒行蹤。造化鍾奇轟瑤巘。真靈擇勝探珠宮。朝雲未罷暮雲起。陰晴竟日長冥濛。瑤姬作意送歸客。一夜收潦仍回風。仰看館御飛檝過。回首已在虛無中。惟餘烏鴉作使者。迎船送船西復東。

黃牛峽

廟為黃牛神所居。卽石馬繫祠門處。東坡所書歐公詩及本亭碑石在東廡祠後。高峰之上者黃牛。遊客舟甚敬之以歐公故。石馬亦有靈。扁扁護甚嚴。

朝離悲秋宅。午傍疊石磯。小畱黃牛廟。細讀石馬詩。黃牛隱見蒼山裏。石馬至今猶馘耳。當年夢境



識山翁馬為迎門神為起物生不朽繫所逢歐詞  
蘇筆蒼苔封山高水長翁之風石馬亦與翁無窮

假十二峰

即黃牛峽山自此直至平喜填千峯重複靡不奇峭

巴東三峽數巫陽山入西陵更鬱蒼何以假為非

確論直疑溟滓弟高唐

○扇子峽

兩岸山尤奇殆過巫一峽蝦蟇碛在南岸

茲行看山真飽諳今晨出峽仍窮探南磯北磯白  
鐵壁千峰萬峰碧玉簪橫前直疑江已斷崛起競  
與天相攬蜀山欲窮此盤礴禹力且盡猶鐫劉望  
舒宮中金背蟾泥塗脫盡餘老饞下飲岷江不知

去流涎落吻如排髯挈餅犧棹釀清甘未暇煮茗

和薑鹽聊將滌硯濡我筆恍忽詩律高巉巖

○荆渚中流回望巫山無復一點戲成短歌

千峰萬峰巴峽裏不信人間有平地渚宮回望水

連天卻疑平地元無山山川相迎復相送轉頭變

滅都如夢歸程萬里今三千幾夢即到石湖邊

○魯家湫

入沌二江口即岳陽路水大難行遂入沌行沌中最空曠處各百里荒盜區也

過盡巴東巫峽長荆川鼓棹更茫茫避風怕入三

江口乘月貪行百里荒夜後逢人盡刀劍古來有

地皆耕桑可憐行路難如此一簇寒蘆尚稅場

有一作踏



鄂州南樓

誰將玉笛弄中秋。黃鶴飛來識舊游。漢樹有情橫北渚。蜀江無語抱南樓。燭天燈火三更市。搖月旌旗萬里舟。卻笑鱸鄉垂釣手。武昌魚好便淹留。

題黃州臨臯亭

夏口風帆赤壁磯。雪堂醜酒竹樓棋。繫船一日黃州下。祇辦登臨不辦詩。

江州庾樓夜宴

前瞰大江後臨廬山登臨名勝殆甲他處庾亮南樓在武昌非此也亮常刺江州後人製此

岷江漱北渚。廬阜窺南窗。名山復大川。超覽茲樓雙。何必元規塵。自足豪他邦。使君林田熟。新涼芻

酒缸落景澹碧瓦。長虹吐金釭。客從三峽來。噩夢隨奔瀧。小畱聽琵琶。船旂卷修杠。請呼裂帛絃。為拊洮河腔。曲終四憑欄。倦遊心始降。明發挂帆去。曉鐘烟外撞。

東林寺

慧遠師白蓮社也傍有樂天草堂對山絕頂即天池文殊現燈處

談易繙經宰木春。三生猶自裊烟熏。客塵長隔虎溪水。劫火不侵香谷雲。老矣懶供蓮社課。歸哉欣讀草堂文。山頭一任天燈現。箇事何曾落見聞。

過虎溪對東林。蒼巖翠嶽下。侵大澗。宛似靈隱冷泉囑。長老法才作亭名曰過溪。且為率

處下脫注云季成焚劫南山獨不毀三林

侵一作浸



山丁薤草定基一朝而畢

過溪無限翠屏開大笑從教虎子猜不獨山中添  
故事仍教題作小飛來

病倦不能過谷簾三峽寄題

白龍青峽紫烟鑪山北山南只半塗說與同來綠  
玉杖他年終補卧遊圖

湖口望大孤

廬阜岡勢斷江流漭相通大孤如小寇插入齋淪  
中我欲蛻濁浪往馭揚瀾風晃晃銀色界潏潏水  
精宮濯足望八荒列宿羅心胸客帆詎肯駐搔首

蒼烟叢

澎浪磯阻風

大壑作文壑

浦口藏舟尋大壑篙師抱膝朝莫閒送風來從水  
府廟濁浪欲碎小孤山太白猶高缺蟾墮長江未  
盡歸鬢斑短歌聊復怨行路當有聽者凋朱顏  
馬當湫阻風居人云非五日或七日風不止  
謂之重陽信

拍岸回流逆上磯枯楊折葦靜相依趁墟漁子晨  
爭渡賽廟商人晚醉歸重九信來風未憖大千行  
徧昨俱非羈愁萬斛從頭數帶眼今秋又減圍



放舟風復不順再泊馬當對岸夾中馬當水  
府卽小說所載神助王勃一席清風處也戲

題兩絕

萬里江隨倦客東馬當山嘴勒孤蓬無才解賦珠  
簾雨誰肯相賒一席風

禁江上口栢山東三日荒寒繫短篷卻憶宮亭湖  
裏去隨人南北解分風

守風嘲舟子

奪命稠灘百戰餘守風端坐恰乘除日長飽飯佳  
眠覺閑傍蘆花學釣魚

佛池口大風復泊

碧葦無思連天生青山有情終日橫風聲洶怒木  
朝拔川氣流光珠夜明誰能坐守白頭浪我欲往  
騎金背鯨俛仰之間撫四海可憐步步愁江程

長風沙

夕陽明遠帆高浪兀孤嶼綿綿淮山來閃閃沙鳥  
去落木兩三家炊烟南北渡眉伸擊汰行夢愕阻  
風處

九月八日泊池口

斜景下天末烟霏酣夕紅餘輝染江色激灑琥珀



濃我從落日西忽到大江東回首舊遊處曛黃錦  
城中藥市并樂事歌樓沸晴空故人十二欄豈復  
念此翁

池州九日用杜牧之齊山韻  
年年佳節歌式微秋浦片帆還欲飛萬里蜀魂思  
遠道九歌楚調送將歸杯中山影分秋色木末江  
光借夕暉細撚黃花一枝盡霏霏金屑滿征衣

離池陽十里清溪口復阻風  
恰從秋浦挂蘆蔭又泊清溪十里餘愁水愁風吹  
帽後昨雲昨雨授衣初遠尋草市沽新酒牢閉篷

窗理舊書行路阻難催老病騷騷落雪滿晨梳

梅根夾

辛苦凌波棹平安人夾船月明漁浦網風側瓦窰  
烟老圃容挑菜村巫橫索錢且投人處宿終夜得  
佳眠

宿長蘆寺方丈

塔廟新浮水汀洲舊布金聊憑一葦力與障萬波  
侵帆影窺門近鐘聲出院深夜闌雷破夢欹枕聽  
潮音

○將至吳中親舊多來相迂感懷有作





原件短缺

P18以后缺



望見家山意欲飛。古來燕晉一沾衣。回思客路豈  
非夢。乍聽鄉音真是歸。新事略從年少問。故人差  
覺坐中稀。不須更說桑榆晚。霜後鱸魚也自肥。

以上卷十九

范石湖詩集卷之十四

婺源黃昌衢康謠叅訂

宣城袁啓旭士旦校閱

淳熙五年四月二日直宿玉堂懷舊

桂海冰天老歲華。直廬重上玉皇家。當年曾識青  
青鬢。惟有東牆一架花。

雪山刁斗不停撾。更把除書敢顧家。珍重玉堂今  
夜夢。靜聞宮漏隔宮花。

初歸石湖

曉霧朝暎紺碧烘。橫塘西岸越城東。行人半出稻

更一作夜除  
作單



花上宿鷺孤明菱葉中信脚自能知舊路驚心時  
復認鄰翁當時手種斜橋柳無限鳴蜩翠掃空

寄蜀州楊道人

老來萬事總蕭然猶憶西州暑雪邊爲報岷峩山  
水道如今真箇得歸田

送同年萬元亨知階州

老我會斑萬里春憐君飛棹也浮秦當年千佛名  
經裏又見西遊第一人  
路入南山舊漢畿油油清渭照牙旗古來百戰功  
名地正是雞鳴起舞時

一作二

十年關隴困科輸聖德如天盡掃除臨遣中和二  
千石好乘春日下寬書

埃塵一作塵埃

○次韻蜀客西歸者來過石湖并寄成都舊僚  
走遍埃塵倦鳥還故鄉元在水雲間黃梁飯裏夢  
魂醒青莢笠前身世閑鷗鷺飛來俱玉立松篁歲  
晚各蒼顏岷峩交舊如相問鐵鎖無扃任客攀  
十一月大霧中自胥口渡太湖  
白霧漫空白浪淡舟如竹葉信浮沉科頭晏起吾  
何敢自有山川印此心

靈祐觀

即古神景宮也相傳舊宮廊百間繞三大殿謂  
之百廊三殿今不復有堂前有垂絲檜三本



陽谷西門鎖洞宮古苔斑駁檜蒙茸百廊三殿惟  
胥井萬壑千巖有瘦筇

林屋洞

一名陽谷洞仙經一名左神幽虛洞天正洞門左觀中  
出觀左門又有二門一名雨洞一名陽谷洞

擊水搏風浪雪翻烟消日出見仙村舊知浮玉北  
堂路今到幽墟三洞門石燕翽飛遮炬火金龍滾  
阻護巖根寶鐘靈鼓何須扣庭柱宵辰已默存

包山寺

山上多松謂之飛松

仙塢遜半坐精廬遷古幢槁衲昔開山至今坐道  
場熾然說慈忍禪海薰戒香穉竹暗寒碧飛松盤  
老蒼船鼓入晏坐紅塵隔滄浪藤杖懶歸去共倚

蒲團床

毛公壇福地

西山最深處毛公劉根也身生綠毛故云有劉  
道人作小菴在隱泉之上

松蘿滴翠白晝陰七十二峰中最深綠毛仙翁已  
仙去惟有石壇畱竹塢竹檜掃壇石槎牙漢時風  
雨生蘚花山中笙鶴尙遺響湖外人烟驚歲華道  
人眸子照秋色邀我分山築丹室驅丁役甲莫兒  
嬉渴飲隱泉饑餌木

上方寺

在銷夏灣上

檣棹古銷夏楮筇新上方珠灣鎖層折冰鏡沉空  
光楓纈醉晴日橘黃明早霜閉門松竹逕隨處有

一名陽谷洞五字  
本在註末林屋洞  
非即陽谷洞僅節  
此五字誤矣

巖一作嵌

注云在毛公壇前別  
峰下慈受深老所作  
深老入山時手植二竹  
今遂成林山上松多非  
種植風吹松子自成  
謂之飛松

檜一作陰

層一作員

閑一作閒



清涼

銷夏灣

吳王避暑處平湖循山一灣雲水勝絕

蓼磯楓渚故離宮一曲清漣九里風縱有暑光無  
著處青山環水水浮空

橘園

橘中有佳人招客果下游胡床到何許坐我金碧  
洲沉沉剪綵山垂垂萬星毬奇采日中麗生香風  
外浮折贈黃團雙珍逾桃李拆開甘露囊快吸  
冰泉甌熱腦散五濁豈止沉疴瘳不知商山樂能  
如洞庭不

不作未

華山寺

在西山盡處多諸公題詩  
泉泓僧房數處有之有湯岐公胡茂老樞密孫仲益尚書

五湖西岸孤絕處旃檀大士來同住性空真水遍  
清涼隨緣出現無方所蒙泉新潔鑑泉明淪茗羹  
黎甘似乳何須苦問蓮開未桂子菖花了今古三  
翁綵筆照青霞從此他山都不數我今閑行作閑  
客暫借雲窗解包具魂清骨冷不成眠徹曉跣趺  
聽粥鼓腳力有餘西塢盡明月灣頭更鳴榔卻上  
東山喚德雲別峰應在銀濤許

縹緲峰

西山最高峯

滿載清閑一棹孤長風相送入仙都莫愁懷抱無



消豁縹緲峰頭望太湖

鎮下放船過東山二首

打頭風急鼻雷鼾醉夢閑心鐵石頑惟有愛山貪  
未厭西山纔了又東山  
老禪竿木各逢場詩客端來共葦航一任巔風聒  
高浪滿船笑語和持怵

持當作詩

翠峰寺

在東山雪竇顯老道場山半有悟道并庭下大羅漢木兩株虬屈蟠壯甚奇古

家一作參

來從第九天橋社繫歸船借問翠峰路誰家雪竇  
禪應真庭下木說法井中泉公案新翻出諸方一

二作一任

一傳

社中山放船

社下鐘聲送客船凌波撾鼓轉滄灣橫烟裊處雞  
豚社落日濃邊橋柚山八表茫茫孤鳥去萬生擾  
擾一舟閑湖心行路平如鏡陸地風波卻險艱

一本無中字

東山渡湖

渡船帆飽如張弓倏忽世界寒泚漉堪輿無垠日  
夜泛浩浩元氣蓬蓬風湖光日色不可辨但見水  
精火齊合集成虛空波臣川后敬愛客約束秘怪  
驅魚龍大千總作大圓鏡光中飛度迷西東蒼茫  
一身無四壁八方上下惟孤蓬毛仙出迎笑相問



何乃自苦荒寒中吾生蓋頭乏片瓦到處漂搖稱  
寓公猶嫌塵土礙人眼茲遊勝絕餘難同九衢車  
馬恍昨夢付與一笑隨飛鴻  
與游子明同過石湖  
契濶相逢一笑歡當年森桂共驂鸞試談舊事醒  
村酒仍趁新晴暖客鞍梅粉都皴啼宿雨柳黃不  
展禁春寒從今鼎鼎多幽事仍喜蛙聲不在官

次韻同年楊廷秀使君寄題石湖二首

鳳儀當瑞九韶成何事栖鸞滯碧城公退蕭然真  
吏隱文名藉甚更詩聲句從月脇天心得筆與冰

甌雪椀清書到石湖春亦到平堤梅影縠紋生  
半世輕隨出岫雲如今歸作臥雲人小山有賦招  
游子大塊無私佚老身禪版夢中千嶂曉髮絲風  
裏萬花春新年社甕鵝黃滿賸醉田頭紫領巾

自閩門騎馬入越城二首

日影穿雲亦未濃夜來疎雨洗清空村前村後東  
風滿略數桃花一萬重  
斷橋墮岸數家村雨少晴多減漲痕雪白鵝兒綠  
楊柳日高猶自掩柴門

姚夫人挽詞



岷當作琅

敘一作叙

衿悅虞鰥後詩書孟母鄰高懷琴意靜晚福詔恩  
新自古悲風木于今詠澗蘋松銘無溢美百世考  
堅岷

北山堂千巖觀新成徐敘智運使吟古風相

賀次韻謝之

北山松竹堪怡顏千巖觀前多好山誰云都無卓  
錫地亦尙有此茅三間洞門無鑰常不關小徑百  
曲蒼龍盤衆芳迷人不知處片雲與我俱忘還花  
前一杯重鼎呂明日屏田并灌圃種苗種豆從此  
忙昨夜驚雷送膏雨

贈舉書記歸雲丘三首

一枕清風四十霜孤生無處話淒涼相看只有龐  
眉客還在雲丘舊草堂  
四股澗松雷斧碎十圍巖桂燒痕枯不知階下跳  
珠處舊竹春來有筍無

青山面目想依依水石風林入夢思白髮蒼顏心  
故在只如當日看山時

題查山林氏菴

庭戶清溪宅翠微雪如佳壁喚題詩烟梢蠹蠹青  
圍屋露葉鮮鮮綠滿籬宿雨一春纔汎鴨新蕪幾



日已藏碑山僧見客如枯木疑是嬾殘南岳師  
木瀆道中風雨震雷大作

惡風奔雲何壯哉溪水欲立山欲摧石岸迸裂纜  
邊樹胡床動搖船底雷靈巖塔後雨腳挂胥口廟  
前浪花來蓬漏衣濡不足惜酒瓶傾側怨空壘

光福塘上

指點炊烟隔莽蒼午餐應可寄前莊雞聲人語小  
家樂木葉草花淡巷香春已去空衣尚絮雨來何  
晚稻初芒秭今農事村村急第一先陂貯水塘  
與至先兄遊諸園看牡丹三日行徧二首

已去一作去已

拄杖無邊處處過粉團紅繞奈春何閭門昨日看  
不足今日婁門花更多

蜂蝶蕭騷草露漫小家籬落閉荒寒欲知國色天  
香句須是倚欄燒燭看

次韻同年楊使君回自毘陵同泛石湖舟中  
見贈三首

客舫中流下人家夾岸看洛花堆錦暖吳藕鏤冰  
寒莫厭清歡暫須知後會難小詩煩本事任禿綵  
毫端

曲誤不須顧客狂當好看日斜雙槳急風駛夾衣



寒賸說歸田樂休歌行路難石湖三萬頃何處覓  
憂端

北渚乘風渡西山帶霧看袖單嫌翠薄杯淺怯金  
寒宿雨收全易春醒解卻難且畱行色任重肯過  
蘇端

頃乾道辛卯歲三月望夜與周子充內翰汎  
舟石湖松江之間夜艾歸宿農圃距今淳熙  
己亥九年矣余先得歸田復以是夕泛湖有  
懷昔遊賦詩紀事

石湖花月浮春空憶共仙人同短篷三年半醉吹  
笛去櫂入濕銀天鏡中鶴鳴喚歸斗未沒卻步扶  
疎花底月不知行到碧桃邊但見天風吹積雪月  
圓月缺今幾回依舊滿湖金碧堆仙人還上玉堂  
宿合有片時清夢來一笑流光飛電抹嫦娥相對  
兩愁絕桂枝應亦老無花蟾兔不須疑鶴髮

懶林午坐

晴霄垂北窗臥我翠幄中不知幾斧鑿成此大虛  
空前雲稍過盡後雲來無窮鳥雀有底忙激戰過  
牆東不如雙飛蝶欵欵弄微風我亦困思生拋書  
眼蒙茸

林當作林

戰一作彈



秋前三日大雨

暑殘堪喜亦堪憎，恰似沙塲喋血兵。縱有背城餘燼在，能禁幾度瀉簷聲。

秋前風雨頓涼

秋期如約不須催，雨腳風聲兩快哉。但得暑光如寇退，不辭老景似潮來。酒杯觸撥詩情動，書卷招邀病眼開。明日更涼吾已卜，暮雲渾作亂峰堆。

秋後二日泛舟越來溪三絕

西風初入小溪帆，旋織波紋縹淺藍。行入鬧荷無水面，紅蓮沉醉白蓮酣。

一川新漲熨秋光，挂起蓬窗受晚涼。楊柳無窮蟬不斷，好風將夢過橫塘。

飯後茶前困思生，水寬風穩信篙撐。不知浪打船頭響，聽作凌波解珮聲。

采菱戶

采菱辛苦似天刑，刺手朱殷鬼質清。休問楊荷浩江曲，只堪聊誦楚詞聽。

曉起聞雨

老來稍喜睡魔清，兀坐枯枝聽五更。蕭索輪囷憐燭燼，飛揚跋扈厭蚊聲。登高事了從教雨，刈熟人

清一作青浩一作涉

枝一作株



忙卻要清。莫道西成便無慮。大須濃日曬香秔。

說虎軒夜坐

白雲淡處臥癡頑。挂起東窗水月寬。但得好詩生  
眼底。何須寶刹現毫端。一身莫作官身想。萬境都  
如夢境看。蟹舍隣翁能日醉。呼來分與一蒲團。

偶書

大行巫峽費車舟。休向滄溟認一漚。日下冰山難  
把玩。雨中土偶任漂流。元無刻木牽絲技。但合收  
繩卷索。休惟有酒缸并飯甌。卻須秔秠十分收。

睡覺

漏箭聲中斷角哀。界窗猶有月徘徊。心兵休爲一  
蚊動。句法卻隨孤鴈來。漱罷玉池甘似醴。夢餘金  
鼓辨如雷。夜長展轉添許事。推枕蕭然一笑哈。

閩門行送胡子遠著作守漢州

前年送君朝明光。今年送君還故鄉。錦官樓上一  
尊酒。萬里閩門折楊柳。吳波沄沄蜀山蒼。人生行  
路如許長。相逢相送鬢如雪。人生能禁幾離別。漢  
南風月開春臺。石湖水雲歸去來。西棹東帆君未  
了。相逢還向閩門道。

漢南一作房湖

嘲蚊四十韻

作此等題用退之語最合



緝當作揖逐當作逐

暑魃方肆行羽孽亦厲習肖翹極么麼塊北累闢  
翁濕生同糞蝮腐化類宵熠初來開郭郛少進亘  
原隰嚶如蠅聲薨聚若螽羽緝俄為隱雷闕逐作  
密霰集口銜鋼針鋒力洞衲衣襲啾聲先計議著  
肉便噓吸立豹猶未定卓錫已淩入血隨姑噉升  
勢甚轆轤汲沉酣尻益高飽滿腹漸急晶晶紫蟹  
眼滴滴紅飯粒拂掠倦體煩爬搔瘁肌澀救東不  
虞西擒一已竄十新癢蓓瘡漲宿暈斑爛浥竟夜  
眼展轉連床歎于悒云何人戚歡乃繫汝張歛驅  
以葵扇風熏以艾烟濕繁長鎮遠遮帳隙亟補葺

眼一作眠歡一作欣

透一作藏

取一作助

蝨一作蠶

屢當作蠶  
禱當作禱

貫當作貫

火攻憚穢臭手拍嫌腥汗伏翼佐掃除蛛網取收  
拾薄暮洶交攻大明訂未戢牛革厚逾瑄鯨介銛  
勝斂遭汝尚欲困嗟人何以給夏蟲雖衆多罪性  
相百什蜂虻豈房櫳蟣蝨但禱褶羊羶螳登俎驥  
逸蝨附鬣蒙惟舞醢甕蟬止崇書袞蚤為鶴所撮  
蠅亦虎能執彼愆可貫死汝罪當獻級涼颯儻然  
至醜類殆哉炭一吹嘴吻破再鼓翅翎繫三千躒  
頡利百萬走尋邑快哉六合內蔑有一塵立虛空  
既清凉家巷得寧輯雞窗夜可誦蛩機曉猶織雨  
簾繡浪卷風燭淚珠泣客來添羽觴人靜拂塵笈



恍還神明觀似啓坏戶螿消長誰使然智力詎能  
及

閶門戲調行客

日夜飛帆與跨鞍閶門川陸路漫漫人生自苦身  
餘幾天色無情歲又寒萬事惟思六如觀一杯莫  
信四并難重陽雖過黃花少尙有遲開玉雪團

九月廿八日湖上檢校籬落

村南村北打稻聲荒園屐齒亦嬉晴菊邊便覺朝  
陽好松下偏聞晚吹清一歲無非吾樂事千金不  
博此閑行周遭踏過芙蓉岸足痺腰頑栩栩輕

思一作堪

當作村北村南  
便一作更

過一作編

晚步吳故城下

急行殊不顧榛菅風袖飄然勝羽翰拄杖前頭雙  
雉起浮圖絕頂一鵬盤醉紅匝地斜曛暖熨練涵  
空漲水寒卻向東臯望烟火缺蟾先映榭林丹

上沙田舍

更無雲物起微陰隴畝人家各好音歲晚陽和歸  
稻把夜來霜力到楓林兒童笑裏豐年面烏鳥聲  
中落日心釀秫炊秔都入手臙擦腰腳辨登臨

與現壽二長老遊壽泉因話去年林屋之游  
題贈二首



何年錫杖劇清甘天遣涑源壽此菴金鑿萬枝浮  
倒影爲君題作菊花潭

松風放浪入雲關二衲相從一士閒人與瘦筇俱  
老健去年今日在包山

渡太湖

囊風閣雨半陰晴慘淡誰知造化心委命沉浮惟  
一葉計身輕重亦千金紅塵猶道不勝險白浪莫  
嗔如許淡晚得薌山堪寄纜臥聽鼉吼與龍吟

再渡胥口

古來此地快蓬心天繞明湖日照臨一鴈雲平時

隱見兩山波動對浮沉衰髯都共荻花老醉面不  
如楓葉淡罾戶釣徒來問訊去年盟在肯重尋

跨馬過練墟喜晴

稻穗初乾怕雨時晚來蒸暖欲霏微西風若肯吹  
雲盡不惜飄飄側帽歸

晚歸石湖

何須駟馬炫鄉關只作歸農老圃看夢裏曾腰綉  
結佩年來新著情遊寇和烟種竹聊醫俗帶月聞  
蛙不在官久矣此心恬不動如今併與此身安

北山堂開爐夜坐



困眠醒坐一龕多。竹洞無關新客過。貪向爐中煨  
榾柮。懶從掌上看菴摩。閑無雜念惟詩在。老不甘  
心奈鏡何。八萬四千安樂法。元無秘密可伽陀。

入城

十里清風一餉間。片帆真欲解人顏。林家莊近聞  
鵝鴨船到閭門儘未關。

儘字俗用已久據理只合用盡字

次韻早蚊

羽蟲么麼塞區寰。造化胡為弗疾頑。長養汗泥草  
木處。縱橫大地山河間。夜聲雷動人力屈。秋喙花  
開天理還。但願江湖無白鳥。何須金鼎鑄神姦。

冬至晚起枕上有懷晉陵楊使君二首

新衣兒女鬧燈前。夢裏莊周正栩栩。然騎馬十年聽  
曉鼓。人生元有日高眠。

多稼亭邊有所思。冬來撚卻幾行髭。也應坐擁黃  
紬被。斷角孤鴻總要詩。

寒雨

何事冬來雨打窗。夜聲滴滴曉聲涼。若為化作漫  
天雪。徑上孤篷釣晚江。

戲贈腳婆

日滿東窗照被堆。宿湯猶自暖如煨。尺三汗腳君



休笑曾踏靴霜待漏來

除夜前二日夜雨

雪不成花夜雨來壘頭一洗定無埃小童卻怕溪橋滑明日先生合探梅

次韻章秀才北城新圃二首

方流桃花塢窈窕入壺天碧城當巖岫清灣如澗泉風月欲無價聊費四萬錢雪從春事起紅雲蜂蝶邊

從當作後

西城如西塞桃花古來多釣艇鱖魚肥前身張志和烟霏幾白鷺風雨一綠簑清江韻新引清絕勝

陽阿

夢中作

漠漠人間一氣平虛無宮殿鎖飛瓊碧雲萬里海光動何處書來金鶴鳴

北城梅為雪所厄

凍蕊粘枝瘦欲乾新年猶未有春看雪花祇欲欺紅紫不道梅花已怕寒

雪後六言四首

雨聲和淡巷屐風力到短檠燈可惜滴殘簷雪從教漂盡河水

已作也



歲寒破屋萬卷風急疎窗一燈高臥眼生醉纈遠  
遊鬚有豎冰

元夕大風雨二首

東風無賴妬華年一夜凄寒到酒邊放盡珠簾遮  
畫炬莫教簷雨濕青烟  
河傾海立夜翻盆不獨妨燈更損春凍澌笙簧猶  
可耐滴皴梅頰勢須嗔

春懷

柳顰梅笑各相惱詩債碁讐俱見尋莫道幽居無  
一事春來風物總關心

白橫塘橋過黃山

陣陣輕寒細馬驕竹林茅店小帘招東風已綠南  
溪水更染溪南萬柳條

次韻謝李叔玠追路送筍

墮地錦棚茁解衣溫玉姿來償食竹債大勝伏雌  
炊少日煮藜子老來煨芋師盤餐登異味指動已  
先知

以上卷二十

煮一作羹

范石湖詩集卷之十四

終

婺江黃昌徽若思校字



范石湖詩集卷之十五

婺源黃昌衢康謠參訂

宣城袁啓旭士旦校閱

○秀州門外泊舟

拍岸清波撲岸埃。黑頭霜鬢幾徘徊。禾興河外官  
楊柳。又見扁舟上堰來。

臨平道中

烟雨桃花夾岸栽。低低渾欲傍船來。石湖有此紅  
千葉。前日春寒總未開。  
夜過越上不得遊覽



王程公事兩相催衝雨片帆連夜開千巖萬壑在  
何處山陰道中無好懷豈有酒船尋賀老與盡那  
能訪安道鑑湖春色漫芳菲付與青青河畔草

道中古意二絕

桃李寂無言垂楊照溪綠不見苧蘿人空吟若耶  
曲

浣紗寂不好辛苦觸戰箭東施無麗質安穩嫁鄉  
縣

觀襖帖有感三絕

古人賦多情無事輒愁苦蘭亭一觴詠感慨乃如

許

寶章埋九泉摹本範百世白鵝滿波間誰識腕中  
意

三日天氣新襖飲傳自古今人不好事佳節棄如  
土

浙東舟中

處處槿樊圃家家桃廡門魚鹽臨水市烟火隔江  
村雨過張帆重潮來汲井渾鸞跼短篷底休說兩  
朱轡

初赴明州

昌國縣圖障於海中題字云自此與高麗國接  
界蓋宇內極東處也



四征惟是欠東征行李如今忽四明海接三韓諸  
島近江分七堰兩潮平擬將寬大來宣詔先趨清  
和去勸耕頂踵國恩元未報驅驅何敢歎勞生

寄虎丘範長老

誰云簪紱坐成禽亦漫為官漫好音身已備嘗生  
老病心何曾任去來今一波不動月空照萬籟無  
情風自吟持此東歸似同志故應分我半山林

次韻汪仲嘉尚書喜雨二首

雨雲渾似雪雲同天意人心本自通吏役驅驅騎  
馬滑何如欹枕閉門中

老身窮苦不須憂未有毫分慰此州但得田間無  
歎息何須地上見錢流

曉起

宵明驚起倒裳衣鈴索頻搖定怪遲即入簿書叢  
裏去少畱欹枕聽黃鸝

大風

四明亦有颶風

颶母來從海若家青天白日忽飛沙煩將殘暑驅  
除盡只莫顛狂損稻花

大黃花

大芋高荷半畝陰玉英危綴碧瑤簪誰知一葉蓮



花面中有將軍劍戟心

進修堂前荷花

方池畱水勝埋盆露入蓮腮沁粉痕鈴索無聲人  
不到小禽飛入鬧荷根

州宅堂前荷花

凌波仙子靜中芳也帶酣紅學醉粧有意十分開  
曉露無情一餉斂斜陽泥根玉雪元無染風葉青  
蔥亦自香想得石湖花正好接天雲錦畫船涼

新荔枝四絕

荔浦園林瘴霧中戎州沽酒擘輕紅五年食指無

占處何意相逢萬壑東

南一作西

海北天南兩鬢蓬閩山猶欠一枝筇艸船荔子如

新摘行腳何須更雪峰

甘露凝成一顆冰露穠冰厚更芳馨夜涼將到星

河下擬共嫦娥鬪月明

趨舶飛來不作難紅塵一騎笑長安孫郎皺玉無

消息先破潘郎玳瑁盤

瑁一種亦戎活間所產  
四明海舟自福唐來順風三數日至得荔子色香都未減大勝  
期不至貳車潘進奏餉玳

甬東道院午坐

一夜西風轉酒旗午餘殘暑不多時綠荷半蝕霜



前葉丹桂全封雨後枝  
怙裏有詩償日課  
老來無賦爲秋悲  
梳頭小隸那知此  
疆向窗前數鬢絲

東門外觀刈熟民間租米船相銜入門喜作  
二絕

菊莎杞棘爨無烟  
日日文書橫索錢  
今日甬東官况好  
東津門外看租船

文書謂諸司督運者

潮到靈橋綠繞船  
海邊力穡屢豐年  
淡青山色淡黃稻  
恰似胥門九月天

斷句入妙設色遣調都成佳境

探木犀

秋半秋香花信遲  
攀枝擘葉看纖微  
昨朝尙作茶槍瘦  
今雨催成粟粒肥

九月五日晴暖步後園

海氣烘晴入斷霞  
半空雲影界山斜  
輕羅小扇游蜂畔  
只此東風有菊花

九月憶菊坡

菊坡長恨隔橫塘  
城郭山林自不雙  
放棹松江花已遠  
濤江之外更鄞江

重陽九經堂作

俗間佳節自匆匆  
老去悲秋又客中  
青嶂卷簾三面月  
黃花吹鬢幾絲風  
十年故國新栽柳  
萬里他



英一作瑞

鄉舊轉蓬誰與安排今夜夢片帆飛到小籬東

真英堂前丹桂二絕

血色凡花太俗生花工新意染秋英袍紅太重鞋  
紅淺畫不能模句寫成

官忙風月鎮長閑開遍香紅酒尚寒若要與花相

領略千巖隨分有欄干

石湖千巖觀前  
手植丹桂二畝

題羔羊齋外木芙蓉

慵粧酣酒夕陽濃洗盡霜痕看綺叢綠地團花紅  
錦障不知庭院有西風

進思堂夜坐懷故山

塵事潮來不可推身如病鶴疆毯毳簿書遮斷尋  
詩路風雨驚殘問月杯想得竹門無客到直須雪  
夜有船迴鱸鄉望眼雙明處祇欠凌霄萬仞臺

楊少監寄西征近詩來因賦二絕為謝詩卷

第一首乃石湖作別時倡和也

柴門重客醉中歸尚憶揮毫索紙時何物與儂供  
不朽西征卷首石湖詩

錦囊隨上越王臺天海風濤亦壯哉書到嶺頭梅

恰動一枝應伴一篇來

羔羊齋小池雨淚木芙蓉盛開有懷故園

雨當作兩



洞戶掩秋深。畫橋橫晚靜。嫋嫋芙蓉風。池光弄花影。懷我白鷗邊。錦障繚千頃。明湖拍岸平。紅綠染天鏡。釣船無畔岸。收拾入簿領。牆藩束院落。寒窘令人瘦。

鹿鳴席上贈貢士

登陸由來說四明。台星光處更魁星。海濱二老尊周室。館下諸生古漢廷。秋賦重增人物志。春闈俱上佛名經。一飛好趁扶搖便。咫尺西興是北溟。

大廳後堂南窗負暄

玉池銀海較不及坡語之工然亦自佳

萬壑無聲海不波。一窗油紙暮春和。醉眠陡覺氍毹。餽贅圍坐。飜嫌櫛櫛多。水暖玉池添嗽。嚙花生銀海。費指摩端如擁褐。茅簷下。祇欠烏烏擊缶歌。

晚步北園

刮地晴颯退海痕。出門無扇可障塵。麥黏瘠土何時雪。梅糝疎林昨夜春。天鏡風烟疑夢事。髮霜時節尚官身。裹章束帶朝還暮。慚愧青鞋紫領巾。

謝賜臘藥感遇之什

鴻寶刀圭下九關。十年春長壘封看。扶持蒲柳身猶健。收拾桑榆歲又寒。天地恩深雙鬢雪。山川途遠一心丹。疲疴疾苦今何似。拜手歸來愧伐檀。



立春後一日作

浮生萬法本悠哉，大笑羲娥轉轂催。官事已邀癡  
作伴，春風應共老俱來。雲容雪意將詩問，柳眼花  
心待酒媒。九十韶光天不靳，人間笑口自難開。

春前十日作

殘臘猶賒十日春，官忙長愧百年身。雪催未動詩  
無力，愁遣還來酒不神。節物何曾欺老病，書生自  
慣說悲辛。終朝戚促成何事，今古紛紛一窖塵。

三江亭觀雪

陰山陽朔雪中迴，行到天西玉作堆。乘興卻遊東

海上白銀宮闕認蓬萊。

懷歸寄題小艇

日出塵生萬劫忙，可憐虛費隙駒光。若教閑裏工  
夫到，始覺淡中滋味長。歲晚角巾思芋栗，年來手  
版愧耕桑。松風蘿月須相信，春水溪時上野航。

雪後雨作

瑞葉飛來麥已青，更煩膏雨發欣榮。東風不是厭  
滕六，卻怕雪天容易晴。

再雪

銀竹方依簷住，瑤花又入簾窺。一白本憐麥瘦重。



來應爲梅遲

立春日陪魏丞相登三江亭

佳節登臨始此回，聊從晝靄望蓬萊。  
水分江北渡頭去，風自海東潮外來。  
太白天寒猶帶雪，十洲地暖已浮醅。  
一尊狂醉發船鼓，我亦歸帆相次開。

寄題鹿伯可見一堂三絕

夢覺春闈俱轉蓬，仙凡今隔玉霄東。  
聊攀鐵鎖問何似，豈敢避堂邀蓋公。

生來於君一歲長，夾去愧我三年遲。  
今世誰不落第二，著鞭尙續堂中詩。

雲溪興盡船當迴，卻擬登陸遊天台。  
經行見一堂前路，轉入湖山尋悞來。

將赴建康出城

牒訴繽紛塞甕天，經年癡坐兩三椽。  
出門納納乾坤大，依舊青山繞畫船。

寺莊

大麥成苞小麥淡，秧田水滿綠浮針。  
今年一飽全無慮，寬盡歸舟去客心。

育王方丈

窗紙悲嘶萬壑風，石梁飛磔倒枯松。  
殷勤昨夜三











新當作將

半生三邂逅相看成老翁詩情故萃律袖有天都  
峰江山佳麗地登臨苦匆匆塔燈落淮水寺樓倚  
霜空攜拾著錦囊撫掌夸窮工歸轡不可挽思入  
孤征鴻洞天我昔遊俛仰星一終士友歎契濶吏  
民念罷癯婆娑故新軍白髮簿書叢足跼雖四方  
夢寐烟雨東歸田有腳力尚往尋行蹤期君斬寒  
藤伴我楮枯筇

鍾山閣上望雨

天濶山長雨似烟忽然飛去暗平川  
秔禾未實秠禾瘦不用廉纖便霈然

除夜

婪尾杯殘雪滿簪床頭曆日費光陰  
故山巧入恹中夢新歲猶關客裏心  
烏鵲倦時三匝繞鷓鴣穩處一枝淡  
勞生佚老尋常事從政那堪力不任

元日

老來百味絮沾泥期會關身當火馳  
幾夜鄉心欵枕處今年腳力上樓時  
酒缸幸有乾坤大丹鼎何憂日月遲  
莫道神仙無可學學仙猶勝簿書癡

體中不佳偶書

生平人比似維摩試比庭屏不啻過  
舊摘衰髯今

猶一作尤

當一作尚



和作加

偏當作偏客  
一作官絃作綬  
閔作過  
題下脫用陳申  
公韵賦詩為謝  
九字

雪徧頻揩病眼轉花多從來世味聊復爾此去官  
身如老何收拾頽齡和藥餌尙堪風月對婆娑

○坐嘯齋書懷

時方治  
賑濟

老來窮苦事相違兀坐鈴齋竟日癡眼目昏緣多  
押字胸襟俗爲少吟詩月侵燈影吏方去春偏梅  
梢客未知直待食新方紱帶明朝騎馬問陵陂

寶公祈雨感應

廬原龜坼暮春時夾路爐薰共禱祠喚起雲頭千  
嶂湧飛來雨腳萬絲垂無情梅塢猶紅綻有意秧  
田盡綠滋大地門開須滿願願均此施匝天涯

送徐叔智運使奉祠歸吳中

手種湖邊花百畝東風日夜催歸去當年辛苦種  
花時不道白頭猶未歸君如肯過城南陌但向水  
雲紅處覓煩呼猿鶴問平安當有畦丁解看客我  
今江船亦欲東我返楓橋成兩翁壓枝萬朶雖過  
盡尙及巢龜蓮葉中

送舉老歸廬山

二千里往回似夢四十年今昔如浮去矣莫久畱  
桑下歸歟來共煨芋頭

題現老真

我返作檄迎



三十年來共葛藤如今蓮社冷如水茶瓜櫻笋遊  
山會從此齋厨欠一僧

致一齋述事

文書烟海困浮沉不覺盤跚百病侵  
偶問客年驚我老忽聞鶯語歎春深  
今朝麥粒黃堪麩幾日秧田綠似針  
除卻一犁春雨足眼前無物可關心

次韻楊同年秘監見寄二首

瘴雲嵐雨幾時歸應把周南視九夸  
舊說鬼神驚落筆新傳狐兔駭  
舉旗韶江石老簫音在庾嶺梅  
殘驛使遲自古朱絃清廟具莫貪鵬  
看海天池

看海作海看

歸一作同

吾衰長愧接輿狂忙裏何心領燕香  
塵土簿書憎鐵硯水雲蓑笠傲金章  
論文無伴法孤起訪舊有情書數行  
何日卻歸湖上醉露帷宵幄爲君張

曉起信筆

午枕汗如洗曉櫛氣稍蘇  
莎蛩試風露滿意鳴相呼  
倦客賦節物流光不躊躇  
秋色已如許殘暑何足驅  
人言今歲熱迥與嘗歲殊  
此理恐未然豈不知頭顱  
年年有三伏日日非故吾  
婆娑今尙可後當彌不如  
病骨須一涼未暇惜居諸  
坐來有清思西風搖井梧

賦一作感色作  
聲嘗一作常



稽下脫用徐送  
叔智韻

翻一作翻

送會原伯運使歸會稽

秧田水滿麥栖畝勸農使者翻然去去年愁苦救  
荒時豈敢夢為今日歸天津橋西官柳陌文書燈  
火長相覓江山信美不畱人寂寞回潮工送客鏡  
湖一曲浙河東萬頃太湖蓑笠翁願賡四愁作五  
詠我所思兮思剡中

王南卿母挽詞

節縱稱純孝笄珈蚤隱憂病中心已化身外世如  
浮聞道悲風木誰能駐壑舟佳兒行古道足以資

潛幽

次韻鄭校書參議雷別

年豐方共慶歲晚客他之吏事朝還暮人生合復  
離江山殘夢破風月片帆移後會吾衰矣桑榆一  
繭絲

重九賞心亭登高

憶隨書劍此徘徊投老雙旌重把杯綠鬢風前無  
幾在黃花雨後不多開豐年江隴青黃徧落日淮  
山紫翠來飲罷此身猶是客鄉心卻附晚潮回

寄題王仲顯讀書樓

嗜書如嗜酒知味乃篤好欲辯已忘言不為醒者



納作細

道使君青箱家文史裝懷抱平生名教樂雙旌不  
滿笑忽乘雪溪興來橫秦淮棹丘亭客漂泊夜夜  
短檠照人云太癡絕我自斲輪妙今朝檣竿起昨  
夢繞閣皂云有百尺樓歸寄北窗傲滴露納朱黃  
拂塵淨細縹想當呻呷時寧復羨騰越古心千載  
事俗眼詎能料蕭灘富還往取友必同調一張復  
一弛釀秫助歌笑

菊樓

金陵出一種菊甚高園丁結成樓塔或至一二丈

東籬秋色照疎蕪挽結高花不用扶浮洗西風塵  
土面來看金碧萬浮圖

○北門覆舟山道中

苒苒霜風掠弊貂簿書塵外訪漁樵林烟色淡如  
濛雨塘水痕淡似落潮鴈字江天聞塞管梅梢山  
路欠浮橋騎驢索句當年事歲暮騷人不自聊

送郭明辰寺丞守蜀州

士進固未易退亦良獨難西州多故人歸路嘗險  
艱有道獨行意郭舟若神仙勿輕銀兔符傾倒金  
貂蟬唐安君昔遊百萬蠲逋錢我亦嘗客夢醉歌  
采菱船父老尙相記况君有前緣想見東西湖恩  
波漲春瀾此地著經濟紗籠相後先潭潭相業堂

浮一作溪

辰一作復



新題我所刊政為來者地君行豈偶然去去進明德後日四五賢

元日謁鍾山寶公塔

雪後江臯未放春老來猶駕兩朱輪歸心歷歷來時路官事驅驅病裏身未暇雞窠尋古佛且防鶴帳怨仙人君看王謝墩邊地今古功名一窖塵

元日馬上二絕

泥絮心情雪樣髯詩囊羞澁酒杯嫌年來萬事都消減唯有牀頭曆日添

筋骸全比去年非騎吹聲中憶釣磯待得江風欺老病何如閒健一蓑歸

春晚

荒園蕭瑟懶追隨舞燕啼鶯各自私窗下日長多得睡尊前花老不供詩吾衰久矣雙蓬鬢歸去來今一釣絲想見籬東春漲動小舟無伴柳絲垂

北窗偶書呈王仲顯南卿二友

官居故偏仄北窗誰所開胡牀憩午暑簾影久徘徊高槐忽低昂知有好風來須臾墮几席篆香小飛灰病翁亦披襟月露裝奇懷壘頭暴背耘永晝婦子偕不辭夢山裂田水如發醅去年豈堪說稻



吾作心

根已浮埃使君坐候宅窗間即涼臺何敢訴苦熱  
灑然助吾齋

前年銀界接天迷去歲金盤湧海低漂泊相逢重  
一笑秦淮東畔女牆西

玉麟堂會諸司觀牡丹醱醑三絕漫說去來  
東風微峭護餘春紅紫香中酒自溫不用忙催銀

燭上醱醑如雪照黃昏  
洛園姚魏碧雲愁風物江東亦上游憶起遨頭入

年夢彭州花檻滿西樓  
莫向花前惜酒杯一年一度有花開浮生滿百今

強半歲歲看花得幾回  
重九獨坐玉麟堂

江上西風動所思又將清賞向東籬年年客路黃  
花酒日日鄉心白鴈詩籠月秦淮無舊曲馳烟鍾

阜有新移人生笑口真稀濶况值官忙閔雨時天  
翻風次韻舉老見潮未歸石湖

半世吟客舍柳長年憶後園花為報廬山莫笑雲  
丘今屬誰家

潮當作嘲

向作負

潮當作嘲

潮當作嘲

潮當作嘲

潮當作嘲

潮當作嘲

潮當作嘲

潮當作嘲

潮當作嘲



劉袖作岫侍一作

次韻曾仲躬侍郎同登伏龜樓二絕

帶束江淮翠袖圍  
掌窺臺殿碧鱗差  
侍郎旬裏登臨眼  
壓倒三江二水詩  
誰如我與公  
露坐繩牀天古來  
游客謾西東  
領會不盡絕  
勝簾雨棟雲中  
題李雲叟畫軸兼寄江安楊簡卿明府二絕  
蒼烟枯木共荒寒  
籬落堤彎傍漲湍  
歸路宛然歸未得  
閑將李叟畫圖看  
新圖來自雪邊州  
皴石枯槎筆最遒  
明府能詩如此畫  
為渠題作小營丘

倚一作洵

晨出蔣山道上

霜痕如雨沁東郊  
樂歲家家一把茅  
故國丘陵多麥壠  
新晴籬落有梅梢  
小山何在應招隱  
北嶺如今已獻嘲  
歸計未成聊琢玉  
飄颻風袖作推敲  
有感今昔二首

陽春白雪雅音希  
俚耳冬烘輒笑嗤  
麋見麗姬翻決驟  
鳥聞韶樂卻憂悲  
爛奚輕薄人何敢  
伏獵荒唐自不知  
蚓竅蠅鳴莫嘲誚  
彭亨菌蠢正當時  
飄風驚雨謾驚春  
掃蕩何煩臂屈伸  
天職不裹安不恕  
神韶非類卽非仁  
休讐地下枯魚骨  
且鬪尊

驚一作驟職當作識韶當作歌



前徙犢身靜看可憐還可笑香山不是幸災人  
種竹嘆向在成都種竹滿西園偶苦寒疾竭  
來金陵復種繞池未幾以眩臥閤家人子遂  
謂不當種竹其說甚可怪歎口占此詩

公退書懷

昨者騰章奏發倉今茲飛檄議驅蝗四無告者僅  
一飽七不堪中仍百忙暇日自能臨俯仰浮雲寧  
解制行藏求田問舍亦何有歲晚倦遊思故鄉

以上卷二十二  
以下卷二十三

即作只

此作汝

急雨過窗紙新涼生簟藤蹒跚老鈴下來炷壁間  
燈

壯歲故多病老年知不堪何須看公案即此是真  
叅

蝙蝠

伏翼昏飛急營營定苦饑聚蚊充口腹生此亦奚  
為

蛩

壁下秋蟲語一蛩鳴獨雉自然遭跡捕窘束入雕  
籠



前徙犢身靜看可憐還可笑香山不是幸災人  
種竹嘆向在成都種竹滿西園偶苦寒疾竭  
來金陵復種繞池未幾以眩臥閤家人子遂  
謂不當種竹其說甚可怪歎口占此詩

宣華種萬竿寒疾適相值玉麟種千竿偶復須藥  
餌僮奴狃今昨競道竹相崇如將聖作狂似以儒  
為戲此君來聲寃牀神亦短氣我夢不平穩霍然  
推枕起明當還石湖賸種三畝地未論比封君且  
用執讒喙

牀當作林  
穩一作鳴三作  
千  
此下脫公退書  
懷一首另鈔補

初秋二首

以下卷二十三

急雨過窗紙新涼生簟藤蹒跚老鈴下來炷壁間  
燈  
壯歲故多病老年知不堪何須看公案即此是真  
叅

即作只

蝙蝠

伏翼昏飛急營營定苦饑聚蚊充口腹生此亦奚  
為

此作汝

蛩

壁下秋蟲語一蛩鳴獨雉自然遭跡捕窘束入雕  
籠



四花

素馨間茉莉木犀和玉簪醫來都屏去頭眩怕香  
侵

謝范老問病

三椽一席度秋冬造化兒嬉困此翁帖有王書難  
治眩文如陳檄不驅風骨枯似枿膚如腊髮織成  
鬣髮作蓬點檢病身還一笑本來四大滿虛空

法法二偈呈似壽老

未一作去心作身

法法刹那無住云何見在未來若覓三身不見便  
從不見打開

孟說所過者化莊云相代乎前何處安身立命饑  
餐渴飲困眠

諾惺菴枕上

噩夢驚回曉枕寒青燈猶照藥爐邊紙窗弄色如  
隴月又予浮生一夜眠

予當作了

癸卯除夜聊復爾齋偶題

五更燈花重東風角韻來雪慳衣未續春早句多  
梅寂歷羅門亞溫磨藥鼎煨老嫌新歲換病喜舊  
星回鬱壘先題板屠蘇後把杯書扉無健筆爆竹  
有寒灰錫櫟牙難膠椒盤眼倦開陳人仍憶臥身

憶一作憶





原件短缺

P20 以后缺



世兩悠哉對天城烈然益集於時則人少過也

吳山夢墨去賦林微淡每叶林書有無地事樹枝

其對或主其亞其客其對或主其對或主其對或主

正更似非重東風前韻來雲對天未幾亦早向參

范石湖詩集卷之十六

范石湖詩集卷之十六

范石湖詩集卷之十六

范石湖詩集卷之十六

范石湖詩集卷之十六

范石湖詩集卷之十六

婺源黃昌衢康謠叅訂

宣城袁啓旭士旦校閱

甲辰人日病中吟以自嘲六首

攢眉輒作山字啾耳惟聞水聲人應見憐久病我

偏自厭餘生

目慌慌蟻旋磨頭岑岑鼈負山筆牀久已均伏藥

鼎何時丐閑

政爾榮枯衛溼剛云人厄天窮歸咎四衝臨歲乞

憐九曜過宮

偏一作亦



復吉旣愆七日泰來惟候三陽曆日今頒寅正占  
星更候農祥

有日猶嫌開牖無風不敢下簾報國丹心何似夢  
中抵掌掀髯

壯歲喜新節物老來惜舊年華病後都盧不問家  
人時換瓶花

正月九日霰雪後大雨

夜霰三更碎瓦晝暝一陣翻盆賴是梅花已過不  
然皴玉誰溫

黃昏簷溜垂瀑清曉鳥聲滿門湖光萬頃何似小

沼先吹穀紋

正月十日夜大雷震二首

阿香真是健婦夜半鼓行疾驅直恐南山破碎繩  
憐窗紙枝梧

人言有物司鼓春到揚桴發聲但要蟄蟲啓戶何  
須一許震驚

吳燈兩品最高

鏤冰影裏百千光剪綵毬中一萬窗不是齊人誇  
管仲吳中風物竟難雙

燈夕懷廣陵舊事

下作上

鳥一作展

仲當作晏

陵一作蜀



履當作夢

下一作中

灘水橋西列炬香少城樓下變燈忙兒嬉萬里客  
程遠老懶一龕春展長

上元紀吳下節物俳諧體三十二韻

斗野豐年屢吳臺樂事并酒壚先疊鼓歲後即旗亭先擊鼓

不已以燈市早投瓊臘月即有燈市珍奇者數人

迎節意燈市早投瓊臘月即有燈市珍奇者數人

價喜膏油賤祥占雨雪晴簣管仙子洞坊巷燈以連枝

竹縛成洞門蒨苞化人城蓮花燈檣炬疑龍見

多處數十重接竹危檣之表置橋星訝鵲成燈橋小家厖獨踞燈

一燈望之如星高閉鹿雙撐屏展輝雲母琉璃簾垂晃水精琉璃

萬窗花眼密成萬眼燈以碎羅紅白相間砌千隙

玉虹明琉璃成一花亦妙天下簷荀丹房挂梔子

荀綠蔓榮燈方縑繙史册生絹糊方燈畫史册

圓魄綴門衡燈擲燭騰空隱小毬燈時推毬袞地

輕大袞映光魚隱見琉璃壺瓶貯水轉影騎縱橫

馬騎燈輕薄行歌過顛狂社舞呈民間鼓樂謂之社

以滑稽取笑村田蓑笠野村田街市管絃清街市里巷

分題句每里門作長燈官曹列扁名官府各額多

照早船遙似泛夾道陸行爲競渡水儼近如生戲

錯雜裝牢戶獄嘲嗤繪樂棚山棚多畫一時

堵觀瑤席隘喝道綺叢爭禁鑰通三鼓歸鞭任五

錯雜一作錯緒



更桑蠶春繭勸春繭自臘月即入食花蝶夜蛾迎

大白蛾花無貴賤悉戴之亦以迎春物也也鳧子描丹筆紅畫鴨子鵝毛

剪雪英與夜蛾並戴寶糖珍相餉遺粧之寶糖鰓特

為晚美烏賦美飴俗言能去烏膩撚粉團樂意子

熬稗膈膊聲妙糯俗名李筵筭巫志怪香

火婢輸誠俗謂正月百草靈故帚葦針箕帚卜拖

裙驗弊帚繫裙以箕詩落筆驚即古紫姑今謂之

微如針屬尾以針姑卜伺其尾賤及葦分莖葦莖分合

葦姑為卜名末俗難訶止佳辰且放行此時紛僕馬有

客靜柴荆幸甚歸長缺居然照短檠生涯唯病骨

節物尚鄉情拮據成俳俗咨詢逮里毗誰修吳地

志聊以助譏評

雪寒探梅

酸風如箭莫憑欄凍合橫枝雪未乾吳下得春元

自晚那堪添與十分寒

曉枕三首

煮湯聽成萬籟添被知是五更陸續滿城鐘動須

與後巷雞鳴

臥聞赤腳鼾息樂哉栩栩蘧蘧病夫心口相語何

日佳眠似渠

指作拍  
晚當作脫

俗一作體

添一作天



舒慘常隨天氣關心窗暗窗明日晏扶頭未起喚  
人先問陰晴

火外不寐

春宵似暖非暖曉夢欲成未成風竹時驚雀噪月  
窗誰伴梅橫

戲書二首

長病人嫌理亦宐吾今有計可扶衰煩君且著山

淡處恐有黃龍浴水醫

耳鳴

風號高木水翻洪歷歷音聞不是聾一任大千都

震吼更從卷葉證圓通

案上梅花二首

南坡玉雪萬花團舊約東風載酒看冷落銅瓶一  
枝亞今年天女亦酸寒

地爐火煖日烘窗一夜花鬚半吐黃鼻觀圓通熏  
百和博山三夕罷燒香

古梅二首

孤標元不鬪芳菲雨瘦風皴老更奇壓倒嫩條千  
萬藥只消疎影兩三枝

誰似西湖處士才詩中籬落久塵埃陸郎舊有梅

且一作昇

羣兒欺老少陵窮  
口燥唇乾髮漫衝  
顛沛須臾猶執禮  
古來惟有一高共  
戲書二首脫去其  
鈔補全



花課未見今年句子來

至昌為具賞東軒千葉梅然梅尚未開

玉葉重英意已芽新移竹外小橫斜東齋何事春

工晚鐵樹已花梅未花

喜周妹自四明到

團團話裏老龐衰一妹仍從海浦來孤苦尚餘兄

弟樂如今雖病也眉開

占星者謂命宮月孛獨行無害但去年復照

作災今年正月一日已出而歲星作福戲書

二絕

昔躔初度未除災何意重逢作病媒久住靈旂今

日過曆翁歡喜勸椒杯

暗曜加臨有救神煌煌福德助天仁只煩終惠蘇

殘喘官爵從渠奉董秦

題藥方

孤童亦復夢槐柯無德無功用福多天理乘除當

老病巢源王訣奈君何

園丁折花七品各賦一絕

單葉衣御黃

舟前鵝羽映酒塞上駝酥截昉春工若與多葉應

衣御當作御衣



又名以下顧本作  
細注且多五字又  
名玉勝瓊

入姚家鴈行

水精毬輕盈嫵媚不耐風日又名醉西施又

園名風嬌

縹緲醉魂夢物嬌饒輕素輕紅若非風細日薄直

恐雲銷雪融

壽安紅淡色粉紅多葉易種且耐久

豐肌弱骨自喜醉暈粧光總安獨立風前雨裏嬌

醫一作持

然不要人醫  
日戲疊羅紅開遲旬日始放盡

襞積剪裁千疊深藏愛惜孤芳若要韶華展盡東

風細細商量

崇寧紅

勻染十分艷絕當年欲占春風曉起粧光沁粉晚

來醉面潮紅

鞋紅

猩唇鶴頂太赤榴萼梅腮弄黃帶眼一般官樣祗

愁瘦損東陽

紫中貴

沉沉色與露滴泥泥香隨日烘滿眼艷粧紅袖紫

綃終是仙風



聞春遠牡丹盛開

東軒聞道有花開  
癡坐三椽首謾回  
縱得好晴猶  
嬾看那堪風雨揭天來

蜀花以狀元紅爲第一  
金陵東御園紫繡毬  
爲最

西樓第一紅多葉  
東苑無雙紫壓枝  
夢裏東風忙  
裏過蒲團藥鼎鬢成絲

喜雨

昨遣長鬚借踏車  
小池須水引鳴蛙  
今朝一雨添  
新漲便合翻泥種藕花

嘲風

紛紅駭綠驟飄零  
凝駭封姨沒性靈  
報道海棠方  
熟睡也須留眼爲渠青

大風

春晴雖好恨多風  
到眼花枝轉眼空  
晴不與花爲  
道地爭如雲淡雨濛濛

風止

收盡狂飈卷盡雲  
一竿晴日曉光新  
柳魂花魄都  
無恙依舊商量作好春

苦雨五首



暑天一作皇天

河流滿滿更滿簷溜垂垂又垂暑天寧有漏處后  
土豈無乾時

不辭蛾化麥穗叵忍秧浮浪花兒孫泅汰護岸翁  
媪扶攜上車

折筍肥梅釘坐涎蝸鬪蟻上梁雨工莫賈餘勇畱  
待稻花半黃

潤礎纔晴又汗濕薪未爆先烟壯夫往往言病病  
叟岑岑且眠

已厭衣裳蒸潤仍憐書畫爛斑奩香尙餘幾所盡  
付燠鑪博山

謝龔養正送蘄竹杖

一聲霜曉謾吹愁八尺風漪不耐秋上座獨超三  
昧地諾惺菴裏證船舟釋氏謂常行  
為般舟三昧

寄題祈郢州白雪樓

楚望風烟倚繡楹使君靜治有高情祇應襦袴新  
翻曲壓倒當年寡和名

夏至二首

李核垂腰祝體粽絲繫臂扶羸節物競隨鄉俗老  
翁閑伴兒嬉

石鼎聲中朝暮紙窗影下寒温踰年不與廟祭敢

名一作聲

祈一作祝

船當作般



言孝子慈孫

重午

熨斗薰籠分夏衣。翁身獨比去年衰。已孤菖綠十分勸。卻夢艾黃干壯醫。蜜粽水糰為誰好。丹符綵索聊自欺。小兒造物亦難料。藥裏有時生網絲。

積雨作寒五首

壓屋雨雲晝暗。環城霖潦夏寒。西池半沒荷柄。南蕩平沉芡盤。

已報舟浮登岸。更憐橋塌平池。養成蛙吹無謂。掃盡蚊雷卻奇。

熨貼重尋毳衲。補苴盡護紙窗。餘生雪鬢禪榻。昨夢雲帆漲江。

婢喜蚊僵露帳。兒嗔蝸篆風檣。兀坐鼻端正白。忘懷眼底常青。

山寒禪老不下。泥滑琴僧罕來。且喚園丁閑語。喜

聞湖岸未頽。

禪老範默堂琴僧淨月師也

喜晴二首

驅帚水爭溝口。卷簾日款屋山。饑燕癡兒叫怒。拙鳩去婦復還。

窗間梅熟落蒂。牆下笋成出林。連雨不知春去。一



晴方覺夏深

子文大丞重午日走貺煮酒清甚殆與遠水  
一色何其妙哉數語奉謝

遠水一作騰脚

遠水清若空吾聞其語矣今晨品義尊公酒正如

子文見和云亦有小鬟能度曲復用韻戲贈

三年屏杯酌甚矣吾衰矣眼中有溜澠猶解商略

此花酒俱來事更奇不妨禪心絮沾泥翠眉何時

以上卷二十三

真度曲細意煩君畫蛾綠

中且免蠅來

多謝紛紛雲雨相忘渺渺江湖坐隅但忌占鵬屋

土何煩譽鳥

灑灑年年如馬太行日日摧車笑中恐有義甫泣

裏難防叔魚

見影蛾猶鈹鈹聞聲厖尙信信問誰毛生名紙如

我角出車輪

不惜人扶難拜非關我醉欲眠勞君敬枯木耳恐

汝見濕灰焉

稅駕今吾將老結廬此地不喧恐妨蝴蝶同夢笑

倩顛當守門

口邊一任醜去鼻孔慵將涕收閑門冷落車轍空

如一作知



晴方覺夏淡

子文大丞重午日走貺煮酒清甚殆與遠水  
一色何其妙哉數語奉謝

遠水一作騰脚

遠水清若空吾聞其語矣今晨品義尊公酒正如  
此太常家有此段奇銷得不齋醉如泥但恨今無  
過雲曲送我菖蒲一杯綠

子文舊有歌者名過雲

題請息齋六言十首

以下卷二十四

洞門晝挂鐵鎖閑道秋生綠苔著下略同龜伏瓜  
中且免蠅來

多謝紛紛雲雨相忘渺渺江湖坐隅但忌占鵬屋  
土何煩譽鳥

灑灑年年如馬太行日日摧車笑中恐有義甫泣  
裏難防叔魚

見影蛾猶鈹鈹聞聲厖尙信信問誰毛生名紙如  
我角出車輪

不惜人扶難拜非關我醉欲眠勞君敬枯木耳恐  
汝見濕灰焉

稅駕今吾將老結廬此地不喧恐妨蝴蝶同夢笑  
倩顛當守門

口邊一任醜去鼻孔慵將涕收閑門冷落車轍空

此下脫子文見和復用韻一首鈔補

如一作知



室團圍話頭

冷暖舊雨今雨是非一波萬波壁下禪枯達磨室  
中病著維摩  
親戚自有情話來往都無雜言酒熟徑須相報文  
成聊與細論  
園丁以時白事山客終日相陪竹比平安報到花  
依次第折來

送劉唐卿戶曹擢第西歸六首

摩挲漢柱愴分襟邂逅吳船喜盍簪別久十年知  
幾夢情親萬里只初心

學道何關紫與青發身聊假佛名經歸來解盡程  
書縛千古文章似建瓴

槐黃燈火困豪英此去書窗得此生學力根深方  
蒂固功名水到自渠成

中年親友惜分離况我身兼老病衰餘景庶幾猶  
及見登瀛召客過門時

我識岷峨最上頭當年腳力與雲浮兩山父老如  
相問一席三椽正臥遊

四海西州故舊多煩君問訊各如何心期本自無  
南北萬里天波一月波

末句戲用蜀語以見久要不忘之意



富順楊商卿使君歸與余相別於瀘之合江  
渺然再會之期後九年迺訪余吳門則喜可  
知也今復分袂更增憫然強書數語送之  
合江縣下初語離共說再會知何時壽櫟堂前哄  
一笑人生聚散真難料青燈話舊語未終船頭疊  
鼓帆爭風草草相逢復相送直恐送迎皆夢中昨  
聞親上安邊奏玉陛從容移禁漏天香懷袖左魚  
符歸作雙親千歲壽我今老病塘蒲衰君歸報政  
還復來萬里儻容明月共更期後夢如今夢  
久病或勸勉強遊適吟此荅之四首

風月箇中老子江湖之上散人化鑪若斬清福環  
堵閒拋好春

鶴怨久回俗駕鷗盟誰主載書一丘一壑謝汝三  
歲三秋望余

捫蝨卽是忙事驅蠅豈非褊心香暖香寒功課窗  
明窗暗光陰

羸如蓐婦多忌倦似田翁作勞玩具僧梳剔屢歡  
悰丁尾龜毛

初秋閑記園池草木五首

莪葵爛紫終陋簷葡萄萋黃亦香醫俗賸延竹色療



愁催折萱房

牛牽碧蔓自繞雞聳朱冠欲爭菱葩可範伯雅蓼

節偏宐麴生菱葩為酒杯樣最  
佳蓼入麴為勝

旱地蓮花嬌小水盆梔子幽芳薇帳半年春艷桂

叢四季秋香紫薇一名半年紅蕊  
桂一種四季有花

醉憐金盞齊側臥看玉簪對橫腥水畱灌茉莉結

香旋薰素馨未利用治魚腥  
水澆方多花

玉菡化生稚子碧枝視現聲聞馬齒任藏汞冷鴻

頭自勝硫温謂孩兒蓮羅漢木馬齒莧中有水  
銀鴻頭芡實也芡性煖號水硫黃

巖桂三首

風簾疎爽月徘徊悵望家人把酒杯病著幽窗知

幾日瓶花兩見木犀開

越城芳徑手親栽紅淺黃淡次第開不用小山招

隱賦身如強健日干迴

一株蕭索倚宣華東苑香風屬內家丹碧屠蘇銀

燭照平生奇絕象山花少城園中惟有一株建康東御園有亦不多四  
明丹桂特奇州宅所種尤蔚茂常與魏丞相飲其下

中秋無月三首

兒女無惊坐客稀今年孤負隔年期誰從天上牢

遮月不管人間大欠詩

撲地癡雲欲萬重家家簾幕護房櫳世間第一無



情物誰似中秋雨與風

一生露下風前客兩歲愁邊病裏身姑置陰晴圓缺事藥寮燈火正相親

藻姪比課五言詩已有意趣老懷甚喜因吟病中十二首示之可率昆季賡和勝終日飽閒也

舊歲連新歲涼牀又暖牀山川屏裏畫時刻篆中香畏壘安吾土支離飽太倉若教身更健鶴背入維揚

物鹿紛紛夢亡羊散亂心眊昏遮眼讀愁苦撚髭吟幸覺行迷遠其如臥病深通身都放下何用覓砭鍼

日暖衣猶襲宵長被有稜朝晡三楪飯昏曉一缸燈伴坐跼如几扶行瘦比藤生綠堪入畫寂寞憩松僧

繩倚扶柺骨蒲團閣悴膚事疑償業債形類窘囚拘空劫真常體浮生幻化軀箇中元不二無語對文殊

軟熟羞盤饌芳辛實枕幃候晴先曬席占濕預烘衣易栗雞皮皴難培鶴骨肥頭顱雖若此虛白自



生輝不散史燧鑽詩書  
數息憎晨清伸眉愜晚晴  
隙塵浮日影窗穴嘯風  
聲捫蝨天機動驅蚊我  
相生偶然成一笑栩栩  
斲身輕使真常豈  
貴仕龜鑽筴閑居馬脫鞮  
寇塵昏舊製帶眼剩新  
圍堆案書郵少登門刺  
字稀掩關灰木坐休示  
季咸機  
目靑浮珠珮聲塵籟玉  
簫秋懷潘鬢禿午夢楚  
魂銷注水餅花醒吹薪  
藥鼎潮南柯何處是斜  
日上廊腰

靜裏秋先到閒中晝自  
長門欄凝泄柳尸祝漫  
庚桑腹已枵經笥身猶  
試藥方強名今日愈勃  
宰負東牆

汗漬筇枝赤苔封屐齒  
青有醫延上坐無客抗  
分庭霽月鑽窗看鳴禽  
側枕聽莫嗔猿鶴怨岫  
峴兩年肩

視絮勞羣從祗承愧闔  
家乳泉供水遞金液養  
丹芽嘉釀厚如酪旋春  
香勝花百端扶老憊無  
物報投瓜

學業荒呻畢歡悰隔笑  
鹽入秋先複幕過夏亦  
疎



范石湖詩集十六  
簾門客噴愁思家人獻吉占尤憐小兒女時報鵲  
鳴簷

贈臨江簡壽玉二首簡攜王仲顯使君書來  
謁并示孔毅甫夢蟾圖今廟堂五府皆有題  
字

蕭灘遠客扣田廬貽我讀書樓上書千里故情元  
共月錯吟多病故人疎

卷中圖畫袖中珍上有三階五朶雲白日青天光  
範路未饒蟾窟夢紛紜

壽櫟前假山成移丹桂於馬城自嘲

堂前趣就小嶙峋未許蹒跚杖履親更遣移花三  
百里世間真有大癡人

灼艾

血忌許涓日尻神謹避方艾求直伏道穴按古明  
堂謝去羣巫祝勝如幾藥湯起來成獨笑一病攪  
千忙

東宮壽詩

甲觀秋彌月前星蚤麗天君親重慶日家國中興  
年英武神機遠溫文德宇全摛章森典則會道極  
高堅儉寶躬安履仁端性自然淵冲澄有量海濶



池一作孤

延當作筵

淡無邊五學臨函丈三朝拱邃延頌聲敷政久喜  
色問安還銅律諧初度桑池絕舊傳菊催重九近  
梅占小春先戲綵倚蘭殿宣杯玳瑁延青宮千億  
壽長對兩宮前

一本悲下有感  
之三

夜一作日

十月朝開爐偶書余病歸二年未能拜掃松  
楸曩嘗以此日侍先兄遊洞庭併寫悲懷  
圃芋今年紫籬楓昨夜丹開爐修故事聽雨說新  
寒橘社重遊阻楸行再拜難此時西望眼衰涕不  
勝彈

有懷龔養正

好在楚龔子秋來情話稀昨承書素說行待板輿  
歸烟水潮平棹風霜歲晚衣幾時真訪戴莫待雪  
花霏

白髭行

四十踰四髭始黃手持漢節臨大荒輿疾歸來皮  
骨在兩鬢尚作青絲光俯仰行年四十九萬里南  
馳復西走斑斑頷下點吳霜猶可芟夸誑賓友屈  
指如今又十年兩年憊臥秋風前人生血氣能幾  
許不待覽鏡知皤然長安後輩輕前輩百方染藥  
千金買煩捫包裹夜不眠無奈露頭出光怪病翁

買一作賣捫一作  
攔露一作霞



高臥門長扃垂雪粲粲骨更清兒童不作居士喚  
喚作堂中老壽星

但能之提刑相別十年自曲江遠寄二詩敘  
舊良厚次韻爲謝亦以首章奉懷略道湘南  
分攜故事末篇自述年來衰病不復故吾也  
憶昔驂鸞識俊英朱轡繡斧盡能名書隨庾嶺一  
枝寄句挾韶江九奏成吳粵交馳清夜夢參辰不  
隔故人情何時重醉金槽曲一洗陽關別恨平  
瀟落枵虛似瓠壺新添雪鬢與霜鬚也知病叟形  
容變非是仙儒骨相癯歲晚山林如自獻年豐田  
野亦多娛無端拙恙妨清樂未許扁舟到五湖

○復以蟾研歸龔養正

夢裏何人歌式微覺來石友在書幃鄭環信美非  
吾寶趙璧猶全任汝歸渴水雙蟾窺海澗出雲孤  
月照星稀好將自草三千牘莫與虬蟬作釣磯

○大雪書懷

天將奇賞發清歡疇昔登臨插羽翰梅下尋詩騎  
馬滑松梢索酒倚樓寒閉門老子愁無賴返棹歸  
來興已闌聊掬玉塵添石鼎自煎魚眼破龍團

雪中苦寒二首

一本寒下有戲  
嘲二字



真凌分職大間關辛苦行冬強作難費盡無邊風  
與雪劣能供得一番寒  
茸毡帳下玉杯寬香裏吹笙醉裏看風雪過門無  
入處卻投窮巷覓袁安

雪復大作四首

奇寒擁被曉枕噩夢披蓑晚江遙想漫天市地近  
聽穿幔鳴窗

釀成送臘三白功在迎年九秋樵指擔肩相賀飯  
囊酒甕何憂

初報折筮搶地復聞壓柳堆橋寧教風過掀舞可  
惜雨來半消

伶俜凍雀蹲晚噤滲疎梅鎖春有客典衣沽酒何  
人增價賣薪

立春乙巳

綵勝金幡夢裏茶槽藥杵聲中索莫兩年春事小  
窗臥聽東風

題徐熙牡丹二首

藥珠仙馭曉驂鸞道服朝元露未乾天半剛風如  
激箭綠綃飄蕩紫綃寒

右紫花

寒入仙裙粟玉肌舞餘全不耐風吹從教旅拒春

一本乙巳二字作  
細注

一本熙下有風  
字



無力細看腰支嫋嫋時 右白花

題黃居家雀竹圖 居家筌之子

羣雀歲寒保聚兩鶉日晏忘歸草間豈無餘粒刮地風號雪飛

蔓花露下凝碧叢竹秋來老蒼噪雀羣爭何事么禽自嘯清簧

黃一作篔

題張晞顏兩花圖二首 晞顏廣漢人趙昌之甥

紅粉團枝一萬重當年獨自費東風若為報答春無賴付與笙歌鼎沸中 右繁杏

雪薄冰輕不耐春雨中愁緒月中真莫教夢作雲

飛去留伴昭陽第一人 右梨花

題范道士二牛圖 道士處州人號范牛中年狂顛人傳其得此圖藉中興道士瑤蓋未顛時所作尤為精妙


西疇滌場靜無塵原頭遠牧秋草春一牛疾行離其羣一牛返顧如怒噴目光炯炯獐而馴點綴毫末俱逼真不顛不狂筆有神妙哉吾宗散仙人

以上卷二十四

婺江黃昌仔時肩校字

范石湖詩集卷之十六 終







卷之二